

M409: St. Pauler Predigten

- 23,13 Nv svln
 23,14 wir horen hirt mit den oren vnser
 23,15 sele di geistlichen wnne . der himelischen
 23,16 vrevde . Die heiligen wissage-
 23,17 des almehtigen gotes . di besweift
 23,18 warn mit wislicher ordenvnge .
 23,19 di rat . vn- chvnst . vn- red . vn- werch
- 24,1 z allen ziten namen in der grvntfeste
 24,2 des heiligen geistes . di chvnten der armen
 24,3 werlt div da in dem ewigen tode
 24,4 lagen . vn- wilen lebeten e got geborn
 24,5 wrde . so sich got neigen begvnde von
 24,6 himele her z erde . “tunc aperientur oculi cecorum .”
 24,7 Si sprachen so got selbe chome in mennischlichen
 24,8 bilde . daz danne menigiv
 24,9 ovgen wrden vf getan . di e verspret
 24,10 waren . Daz wart geistlichen vn- vlschlichen
 24,11 ervllet . Cecos oculos claro lumine
 24,12 uestiuit Vnser herre vnd di zwelfpoten
 24,13 vnd ander ivngere hiezen manige-
 24,14 mennischen schon sehen . vnd heiteriv
 24,15 ovgen haben . di da vor blint warn . Manige
 24,16 warn och vngesehent in d’ inner
 24,17 chamere ir herzen . daz si verzagt waren
 24,18 an ir glovben . vn- niht erchanten
 24,19 ir schepfaere . vn- alle sin gvote . alle die
- 25,1 sware bvrde trvgen svntlich’ dinge .
 25,2 vnd niht wolten sehen div zeichen himels
 25,3 vnd erde . vn- wages vnd lvfte .
 25,4 vn- anderr maniger dinge di vns got
 25,5 fvr gesetzet hat . di warn mit gesehenten
 25,6 ovgen blint . den was allen dvrft
 25,7 daz si von got wrten erlivhtet . vnd
 25,8 wrden gesehente vnd wol erlvtert
 25,9 an libe vn- an sele . alle die di niht heten
 25,10 gesetzet ir fvo in daz dienst ir

- 25,11 schepfaeres . von allen sinen sinnen .
25,12 mit triwe vnd mit warheit . mit gyten
25,13 werchen mit gyten gedanchen .
25,14 di warn chrvmp vnd entwichen von
25,15 dem wege des ewigen libes . Di gern
25,16 horten vppigiv wort vn- gerne vernamen
25,17 lvgeliche rede . vn- vnchvsche
25,18 rede . denne den trost der in enboten
25,19 was in dem mvnde des heiligen wissagen .
- 26,1 di heten daz ampt ir oren verlorn .
26,2 vn- warn vngehorte . ir heiles
26,3 vnd ir gnaden do si ze dem wirserm
26,4 teile cherten . alle di ir zvng niht
26,5 wolten dwingen . vnd rihten in daz
26,6 lop vnd in die gnade ir herren der
26,7 himel vnd erde besezzen hat . di wa
26,8 stvmme vnd swigaere der warheit .
26,9 Den allen chom vnser herre ze helfe
26,10 der svn sant Marien d' ewigen meide .
26,11 Da von spriht div heilige schrift
26,12 "di blinten werden geschente . di toren
26,13 gehorente . di chrvmben gente .
26,14 di stvmme redente ." elliv disiv laster
26,15 di heten aneenge an dem erstem
26,16 manne adam . Do er sin selbes vergaz .
26,17 vnd vngehorsam wart sinem
26,18 schepfaere . do wart er aller eren v'stozen .
26,19 do wart er nacht . vn- berovbt
- 27,1 der stole . vnd der zierde d' vntodicheit .
27,2 elliv laster vnd schande vnd schame . vn-
27,3 wewicheit . warn im begegnet . vn- der
27,4 grimmige tot . also da geschriben stet .
27,5 "Ad auram post meridiem clamavit deus et dixit
27,6 Adam ubi es?" Nah mittem tage do div
27,7 svnne seick gegen ir sedele . do chom ein
27,8 vngewitere wand adam gevallen was .
27,9 vn- fvor vnser herre in sin paradysum .
27,10 vnd sprach vil chlagelichen . "Adam vbi es?"
27,11 "armer adam wa bist v nv . dv n bist niht
27,12 als ich dich lie . dv were schone vnd vntodlich .
27,13 nu bist v arm . vn- wirst vil ellende .
27,14 vn- dine- herren vil vromede vn- vil lange .
27,15 vnd gescheiden von den himeliskien
27,16 gnaden ." als er spreche . Dine fvze di ne
27,17 waren niht gesetzet in miner minne .
27,18 do dv gienge gegen dinem wibe . vnd

- 27,19 neme von ir handen di chlachlich spise .
- 28,1 do dv mich gesaehe do warn din ovgen
 28,2 trvbe vnd vngenaeme . do dv vernaeme
 28,3 des vientes rat vnd sin schvndvnge .
 28,4 do warn din oren vervallen vn- ertoret .
 28,5 wan dv miniv wort underwegen liez .
 28,6 vnd niht merchen woltest was ih dir
 28,7 verboten het . Do dv nine spreche “var
 28,8 bosewiht verwazen . mich mach wol
 28,9 genvgen daz ich haben mach von mine-
 28,10 lieben herren .” do was sin zvnge v'teilt
 28,11 vn- elliv div rede bose . Diser amer vnd
 28,12 ditze leit . daz vns dannen chomen ist .
 28,13 daz der erst man niht gestvnt an sine-
 28,14 rehte . daz mvzen wir hivt vnd imm'
 28,15 chlagen . vnd da vnder loben vnsers
 28,16 herren bermde . der vns hat enbvnden
 28,17 vn- erloset von dem charchere der vnreiner
 28,18 geiste . di von himele wrden
 28,19 v'stozen . ein iegelich mennische sol
- 29,1 in sin herze sehen . vnd sol riwen sin missetat
 29,2 maniger svnden di iz getan hat . vn-
 29,3 sol sin ovgen vf chern in dem gedingen
 29,4 vnsers herren vn- des ewigen libes . daz
 29,5 vnser oren gern vernemen daz goteswort .
 29,6 daz vnser zvnge vollechllichen
 29,7 sprechen mvzen sin lop . vn- sin manichvaltige
 29,8 ere der vns hat erlost . daz vnser
 29,9 fvze vns wissen in sin bermde . Tunc saliet
 29,10 sicut ceruus claudus . wir svln bilde nemen
 29,11 bi dem wilden hirze . Swa er siht dorn
 29,12 vn- horgen wech . da vber springet er
 29,13 vntz er di trvchene begrift . also svln wir
 29,14 gahen von svndlichen dingen . Quod ipse praestare dignetur .
 29,15 Dominica iiij In illo tempore dixit iesus discipulis suis “Erunt
 29,16 signa in sole et luna et stellis et cetera .” Min trehtin
 29,17 chvnt sinen ivngern den zwelfbote- .
 29,18 vn- andern sinen trvten . beidiv den di w't
 29,19 waren sin hers antlv'tze ze sehen in dirr
- 30,1 werlt . vn- och den chvnftigen livten di
 30,2 immer werdent vntz an daz vrteil ze den
 30,3 sprach er . “Erunt signa in sole .” er sprach
 30,4 “wizet min chint min erwelten . daz
 30,5 ich iv wol lonen wil iwer arbeite . bitet
 30,6 ein frist vntz iv chom daz zit miner

- 30,7 ordenvnge . an me ivngisten geriht
 30,8 wirt vf getan div pfalnze min' wne
 30,9 daz hvs miner herscheffe . div bvrch
 30,10 der ewigen gnaden . dar in wil ih laiten
 30,11 vn- wisen alle di sin wert sint . di
 30,12 mir sint vnd'tan vn- gehorsam . di vindent
 30,13 da mere wnnen denne si selbe
 30,14 mvgen erwnschen ." Vnser herre chvt
 30,15 fvr baz ze sinen chinden . "Miniv vil liebiv
 30,16 chint ich weiz wol ivh amert nah
 30,17 solhen eren . div wil dvncht ivch vil lanch
 30,18 daz ir iwarn brvtegom niht mvget
 30,19 beschowen . der ivh hat geschaffen ze
- 31,1 solhen eren . Nv lat ivch niht betragen .
 31,2 sit ot ir stetich vn- getriwe . iw' arbeit
 31,3 nimt gvten ende . iwer gedinge vnd
 31,4 iwer zversiht . iwer gelovb vn- iwer
 31,5 beiten gwinnet di ewigen rvwe in der
 31,6 himelischen wne . iwer lon en mach
 31,7 niht ersterben . nehein veint en mach
 31,8 iv erbvnnen der frevden div iv chvnftich
 31,9 ist von miner ordenvnge . Ich wil iv
 31,10 chvnt tvn vnd sagen . welhiv dinch svln
 31,11 ergen vor m svntage ." Erunt signa in sole et luna .
 31,12 Vnser herre spriht "manigiv zeichen
 31,13 svln ergen ." nv svln wir vernemen an
 31,14 welhen dingen . "Ir svlt wol wizzen daz
 31,15 ich iv zeige daz ist min valtstvl . ein schamel
 31,16 miner magenchrefte . di himelisch
 31,17 tvgende werdent erweget . ez ergent
 31,18 zeichen an der svnne . an dem manen .
 31,19 an den sternin in der oberisten hohe ."
- 32,1 Disiv dinch sagete vnser herre sin ivng'n
 32,2 vn- vns . vn- aller der heiligen christenheit
 32,3 wand im elliv herz chvnt sint . vnd als
 32,4 daz imm' werden sol . Dv sprah er mere .
 32,5 daz michel vngemach vn- groz leit mvse
 32,6 werden in der werlte . vor m svntage .
 32,7 daz div angst vnd daz ser chvnftiger
 32,8 sorgen den mennischen zwivelhaft
 32,9 gemaht . Iz w'rten angestlichiv vrlige .
 32,10 in terris pressura gentium . daz div grimmig
 32,11 heidenschaft manigen vnschvldigen
 32,12 mennischen bedrvhte vn- ze leide braechte .
 32,13 daz daz mer diser werlte erschellen
 32,14 mvse vnd erweget wrde ze angestlicher

- 32,15 freise . vnd ovch manigiv wazzer .
32,16 vnchvndiv dinch zeigen mvsen in gotlicher
32,17 tovgen . er sprach ovh vnser vil
32,18 lieber herre . daz div mennische div
32,19 danne lebeten dorren mvsen von
- 33,1 manigem leide . vnd von sorgen . di si sehen
33,2 vn- liten an in selben vnd an andern ir
33,3 gnozen . Div wort des almahtigen gotes
33,4 werdent ervollet bi vnsern ziten . vnd
33,5 werdent her nah bewaert . mit schinigen
33,6 zeichen . an der liechten svnne ist manich
33,7 wnder gesehen . der man ist oft verwandelt .
33,8 di schone sterne habent ofte ir
33,9 berhteile verlorn . wasser genvch sint
33,10 blvotfare worden . mit solhem walle vnd
33,11 wadlvnge daz di vische die dar inn waren .
33,12 vn- ander chvnder sich wnden vnd stvrben .
33,13 her nah wirt sin ab' mere . so der antichrist
33,14 beginnet rihsen vor dem vrteile .
33,15 So wir sehen di bom blvn . vnd lovben .
33,16 vn- grvnen . so verstet ir wol daz d' svmer
33,17 nahent . als ir wol mvget versten so horet
33,18 vn- sehet disiv vrchvnde div got
33,19 selbe sprach . vnd vns vor genennet daz
- 34,1 div grimmige werlt wil zergen . vn- vns'
34,2 erlosvnge schire chomen wil . Dar zvo mvgen
34,3 wir alle gedingen han . di vbelen robere .
34,4 vn- diebe vnd alle vbele mennische
34,5 di mvgen wol sorgen . wand ir meister
34,6 der leidige valant . nimet si an dem tage
34,7 in sin gewalt . vnd fvrt si in di vinstern
34,8 helle . in daz fivr daz nimmer erlischet .
34,9 Da vor beschirm vns got selbe vnd alle
34,10 sien heiligen . vnd verlih vns daz wir gesvndert
34,11 werden von dem antichriste .
34,12 vn- allen den di verflvht sint vor gotes
34,13 ovgen . vnd mit vns teile di tvgende sines
34,14 heiligen geistes . als verre vnd als
34,15 genaedichlichen daz wir chomen mvzen
34,16 in di schare vnd in den vride da wir an
34,17 angst mit got i-mer mvozen sin . daz di
34,18 heiligen engel ir frevde mit vns vnd
34,19 wir mit in haben mvzen in den himelischen
- 35,1 gnaden . von ewen vnd ze de- ewe- . aMen .
35,2 Ad missam in galli cantu . Dominus de celo

35,3 prospexit ut audiret gemitus compeditorum et solveret filios
interemptorum .

35,4 alle zvngen vn- alle wisiv mennische di
35,5 ne mohten von allen ir sinnen von ir tiefen
35,6 gedanchen nimm' fvrbringen ze vollem
35,7 lobe di ere dirre hohzit . Div ist dar
35,8 vmbe wiehnaht geheizen . daz bediv naht
35,9 vnd tach di wir nv begen wihe sint
35,10 vn- helich . vnd wolschinich vor grozem
35,11 liechte . himelischer wne . hivt svlne
35,12 wir enphahen vnsern herren . di goteliche
35,13 gebvrt . div von meitlicher schoze
35,14 schein vn- lvhte . In dirre werlte waeren
35,15 wir des gewis daz ein irdischer cheiser
35,16 od' ein niderr herre in vnser hvs chomen
35,17 solte . wir gedaechten manigen ende
35,18 mit welchem vlize . wi schone vnd wie
35,19 lobelichen wir in mohten enphahen .

36,1 welh gezierde wir mohten vz gebreiten .
36,2 wi wir elliv trvbiv dinch vnd vnsovbriv
36,3 ab m wege getvn vnd gecheren mohten .
36,4 Wie aber danne vmb den cheiser himeles
36,5 vn- erde . dar vf sol wachen aller vnser sin .
36,6 vnser willigez herze . div getriwe sele .
36,7 sol hvngerich vnd girich sin . daz er w'de
36,8 so enphangen von vns daz div ovgen sin'
36,9 magenchrefte an vns iht werden besw't .
36,10 Daudid der heilige chvnich der in got
36,11 gweltich was . vnd in dem heiligen geist
36,12 wol west chvnftigiv dinch . der sagete
36,13 vns disen trost . daz got selbe wolde schowen
36,14 von der hohe des himels in dise werlt .
36,15 vn- swa er di fvnde di chlageten ir
36,16 svnde . di wolde er trosten . vnd alle di
36,17 gebvnden waeren vn- totlichen gewndet
36,18 von dem rate des leidigen valandes .
36,19 di wolde er erlosen . vnd heilen di sich

37,1 wirdich mahten siner gnaden . Daz hat
37,2 er lieber herre hivt wol geleist vnd ervollet .
37,3 wand er mit siner gebvrte alle
37,4 dise werlt gefrewt hat . Dirre tach hivt
37,5 ist ein aneenge vnser heiles . vnd ein gewizez
37,6 vrchvnde vnser erlosunge . hivt ist
37,7 ein gemeiniv frovde himeles vnd erde .
37,8 hivt svht der gvt hirte sin schaf daz er
37,9 chome ze voller zal siner chore . hivt hiez

37,10 er sich schowen der vnschvldich was .
 37,11 hivt wart wol geeret div reine maget
 37,12 sant Marie . do si wirdich was ir brvst
 37,13 ze bieten dem chinde dem allez daz ie wart .
 37,14 od' hivt ist . od' imm' wirt . mvz willichlichen
 37,15 im vnd'tan sin . do si heiligiv
 37,16 frowe sah di heiligen engel ir liebes
 37,17 chint in winten vnd an bitten als da
 37,18 geschriben stet . Obstetricum uice concinentes angeli gloriam deo .
 37,19 allez daz daz di wisen ammen andern chi-den

38,1 pflegent ze tvn . daz begiengen allez
 38,2 di engel an vnserm herren . Ir heiterz sanch
 38,3 wart hivt gehort in disem ellende . vf irdischer
 38,4 zarge . nv svln wir vernemen was
 38,5 si svngen . si grvzten vns armen . Daz selb
 38,6 sanch mvs vns wol geneme sin . vn- allen
 38,7 den di volchomen sint vn- di reines herzen
 38,8 sint . Si svngen "Gloria in excelsis deo ." "heil
 38,9 vn- ere vn- segen vnd chraft . vn- elliv tvge-t
 38,10 si imm' vor disem chinde in der hohe des
 38,11 himels . wand er der ware got ist . Von
 38,12 sinen gnaden sol sin gechnudet fride
 38,13 vnd gnade allen den mennischen di gvotes
 38,14 willen sint in dirre werlt ." Owi wi
 38,15 wol si bedahten vnser armcheit . hivte
 38,16 sint vil manige in dirre werlt di groziv
 38,17 dinch gern leisten dvrh got ob si sin gvt
 38,18 state hieten an libe vnd an gvote . Manige
 38,19 irret ir armvt oder ir vbel wille . sin

39,1 vbel herze . sin vnrvch . des nidigen
 39,2 vientes rat . Da vor beschirm vns got
 39,3 vnd di heiligen engel . di an siner gebvrte
 39,4 boten warn in ditze ellende .
 39,5 wir svln daz wizzen daz der armen
 39,6 wille hin tz himel stiget ob er gvt ist .
 39,7 di richen svln ir reht begen . mit ir
 39,8 opfere vnd mit ir almvsen . Swa ein
 39,9 irdisch frowe ze chemenaten get eines
 39,10 chindes . ir nahgebvrinne chome-t
 39,11 mit ir wisode . mit liebem antfange .
 39,12 zvz ir di ir heimlich frivnt wellent
 39,13 sin . allez daz dienst daz wir ir hivt
 39,14 bieten vn- elliv div heiligiv christenheit
 39,15 daz ist ein antfanch vnd ein reines
 39,16 wisode in di schozen sant Marien der
 39,17 ewigen magede . Swaz wir hivt bringen

39,18 reines gebetes fvr ir antlvtze
39,19 daz ist ein insigel vnsers heiles . vnd

40,1 ist ein lehenvnge vz der winster
40,2 in di zeswen . vz der hant in den bvsem .
40,3 in di chemnate geistlicher gebvrte .
40,4 in die heimliche vn- in di vrvntschaft
40,5 der himelischen chvniginne . Wir svln
40,6 daz gelovben daz got ist als schone vnd
40,7 als licht in siner magenchrefte . daz
40,8 fleischlichiv vgen vnser vordern in
40,9 nimm' mohten haben gesehen . het er
40,10 sich niht vmb gegvrtet mit vleisch
40,11 vn- mit beine . Do er dvrh vns arme
40,12 mennisch wolde wehten ein volchwich
40,13 mit vnserm veinde der vns z em ersten
40,14 verriet . do gvrt er sich mit flize vnd
40,15 mit grozem wistvme . vnd leget an sin
40,16 brvst ein brvnne fleisches vn- mennischlicher
40,17 wesvnge . daz was ein engel
40,18 vnd ein herre des tieveles vnd aller siner
40,19 schar . wand als er verriet den heiligen

41,1 christ wider di vngetriwen ivden .
41,2 sa ze stvnde do wart der mennische enbvnden
41,3 von dem ewigen tode . Im was
41,4 wol gelvngen an adamen dem ersten
41,5 manne . daz gab im di fraevele daz er
41,6 den heilant verriet . vnd sich selben v'sneit .
41,7 in dem signvnft des heiligen crvcis .
41,8 Nv ist er sines schaden wol innen worden .
41,9 nv flivht er zage alle die besigelt
41,10 sint hin tz got . di mit reht vnd mit
41,11 heiligen werchen vnd gedanchen sint
41,12 bevangen . Nv svln wir vnser brvst vn-
41,13 vnser herz gaerwen mit dem halspge
41,14 des gvten lebenes vnd der gvten tvgende .
41,15 Quod ipse prestare Ad missam in luce
41,16 Benedixisti domine terram tuam auertisti captivitatem iacob .
41,17 Got hat vnser heil wol bedaht . als vns
41,18 chvndet disiv hohzit . er hat sin gnade
41,19 div nimm' zerget wol vz gebreitet

42,1 vber vns . ein irdischiv mvter vergizzet
42,2 etwenne des chindes daz si getragen hat
42,3 in ir brvst . vn- mit angestlichen dingen
42,4 in dise werlt braht hat . Vnser herre
42,5 der heilige christ vater vnd herre

- 42,6 aller weisen . der n wil vnser ze heiner
42,7 wile vergezen . der n mach von siner
42,8 gyte vns ni-mer verlazen . als lieb frivnt
42,9 vz den ovgen choment so wirt ir
42,10 selten wol gedaht . div ovgen vnsers
42,11 herren div sint frv vnd spate vb' alle
42,12 sin chint . ir freude ze meren . vnd ir
42,13 leit ze wenden . daz erzeiget er wol do
42,14 er dvrch vns geborn wart . der da was
42,15 verborgen in dem bvsem sines vater .
42,16 im ebenherr vnd ebengweltich . der
42,17 gie her fvr zv vns armen menschen .
42,18 vnd lie sih sehen vnd schowen . vnd redete
42,19 vnd lerte . vnd heilte vn- troste
- 43,1 alle di mit noten bevangen waren . di
43,2 im getrowten vn- an in gelobten . In der
43,3 alten e sprach dauid . der trvt vnsers herren .
43,4 “Benedixisti domine terram tuam” Nv svln wir vernemen
43,5 wie er sprah . “herre got din erde
43,6 has tv wol gesegent vnd gewihet .” der
43,7 segen der ist als groz vnd als michel . den
43,8 dv herre an din erde geleit hast . daz div
43,9 grimmigiv vanchnvsse diner wissagen .
43,10 vnd diner holden da mit zeloset ist . vn-
43,11 alle die ledich sint . di e mit vnrechte
43,12 bevangen warn . Nv svln wir sehen welher
43,13 erden daz gesprochen si . div got selbem
43,14 also behvt was . als verre in sin heimliche
43,15 chomen was . daz er sin segen dar an
43,16 geleit hat der den gyten vnd den rechte-
43,17 als nvtze ist . vnd aller dirre werlt also
43,18 trostlich . daz ist vnser frowe div ewige
43,19 meit sant Marie . div ist ein sageraere
- 44,1 des heiligen christes . ein sal d' gotheit .
44,2 ein tvr des ewigen libes . div wart von irdischen
44,3 lvten in dise werlt erchvcket
44,4 als got gebot . vz dem leime vnd vz der
44,5 erde da adam der erste man vz wart gebildet .
44,6 dannen wart och div chvniginne
44,7 himels vnd erde gebildet . daz was ein seligiv
44,8 molte di got gewiht hat . div im
44,9 als wol geviel . daz ir segen vnd ir heilicheit
44,10 i-mer ist ze loben . von allen mennischen .
44,11 vn- wol ze eren von allem himelischem
44,12 here . Nv svln wir hvt wol bedenchen
44,13 die gotes bermde . vnd die heilige- meit .

44,14 danne vns der trost chomen si . di svln
 44,15 wir loben vnd eren in vnserm herze . in
 44,16 den sinnen wislicher gedanche . wir
 44,17 svln wein vor ir ovgen vnser svnde
 44,18 alle vnser missetat . daz si di wirdigen
 44,19 riwe an vns chiesen vn- svchen mvzze .

45,1 di si lobelichen bringen mvge fvr ir heiliges
 45,2 chint . mit der helfe alles himelischen
 45,3 heres . auer spricht dauid der heilige psalmista ..
 45,4 “Dominus dabit benignitatem et terra nostra dabit fructum suum .”
 45,5 do dauid sah vn- ander wissagen daz got
 45,6 van sinen gnaden vn- von siner bermde
 45,7 vns wolt losen . vn- mit sinem blvte wid’choffen .
 45,8 do sprah er also . “Vnser herre
 45,9 wil vns zeigen sin vil michel gyte . vn-
 45,10 hat daz geboten daz vnser erde ein vil
 45,11 genaemez wcher bringe .” daz ist ab’ div
 45,12 heilige meit . wi moht immer dehein
 45,13 wcher als lobelich werden . vn- als tvre
 45,14 so ir liebez chint daz in disem zit wart
 45,15 von ir geborn . ein heil vnt zvversiht
 45,16 aller svntaere . daz div schrift spriht
 45,17 daz si heiligiv frowe vnser erde si . des
 45,18 mvgen wir immer vro sin . daz wir
 45,19 hin z ir svln iehen . alle div mennische

46,1 di hvt lebent oder imm’ geborn schvln
 46,2 werden . Von ir gnaden ist vnser aller
 46,3 missetat verchorn . vnser aller svnde wol
 46,4 bedecht . von ir wirdicheit ist der zorn
 46,5 vnsers herren den wir wol verdienet
 46,6 heten genaedichlichen gestillet . In Natiuitate domini .
 46,7 Puer natus est nobis et filius datus est nobis .
 46,8 Driv ampt werdent hvt begangen
 46,9 mit fronem sange . di got selbe sol ervllen
 46,10 mit siner manichvaltiger ere . wir
 46,11 arm svndaere werden geborn in dise w’lt
 46,12 mit leide vnd mit chlage ze micheln arbeiten .
 46,13 vnd ze grozen angesten . Vns’ h’re
 46,14 wart geborn daz er vns wider braecht
 46,15 von disem ellende ze den ewigen gnaden .
 46,16 von dem tode in daz ewige leben . von
 46,17 der armvt in di richeit . von der schalcheit
 46,18 in di friheit . von den sorgen vn-
 46,19 von dem leide in di ewigen wne .

47,1 von siehtvm in di chraft vnzerganchlicher

- 47,2 eren . daz heilig vrchvnde sin'
 47,3 gebvrt sagent vns di bvch div geschriben
 47,4 sint von heiligen livten als wir nv
 47,5 gesprochen haben . "Puer natus est nobis ."
 47,6 "Vns ist geboren ein chint . ein svn ist vns
 47,7 gegeben ." der treit sin selbes gebot vf
 47,8 sinem rvcke . vnd vf siner ahselen . vnd
 47,9 wirt sin nam geheizen der wnderlich
 47,10 got . der starche herre . der vater chvnftiger
 47,11 werlte . ein gweltiger fvrst des
 47,12 frides . ein ratgebe gotlicher erlosvnge .
 47,13 Sin gebot wirt gemanichvaltiget .
 47,14 sines riches wirt nimmer ende . Von dem
 47,15 chinde daz als her ist . solden wir hivt
 47,16 reden vnd chosen . mit allen den di got
 47,17 meinent . vnd sin wort gern vernement .
 47,18 Nv svln wir hivt wechen di bermde
 47,19 des heiligen chindes . der er heilig'
- 48,1 herre wol gewon ist . z allervorderst vmb
 48,2 vns selben daz got vnser dienest antfanchlich
 48,3 si . vnd alle vnser missetat rvche ze
 48,4 leschen vnd vertiligen . vnd vnser sinne
 48,5 vnd herz hin z im gerihten mvze in sine-
 48,6 lobe vn- in sinen eren . wie moht dehein
 48,7 mennisch imm' so wis werden der iht wirdichlichen
 48,8 moht gesprechen von disem
 48,9 chinde . der alles wistvmes ein aneenge
 48,10 ist . ein toedlich lip von dem vntoedlichem
 48,11 chvnige . ein weniger mennisch von
 48,12 dem michelm got . vn- vnzallich . vn- her
 48,13 vn- gwaltich ist . von dem elliv dinch gebildet
 48,14 sint . vn- geschaffen sint . da von
 48,15 moht niemen ze vollem rehte niht gesprechen
 48,16 von im . daz wart vor gesaget
 48,17 von dem gotessvn . daz er sin gwalt vf
 48,18 siner ahselen tragen solte . daz ergie do
 48,19 er ze der marter gie . vnd daz heilige
- 49,1 cruce vf sin ahsel nam . vn- selbe trvch den
 49,2 galgen vnser erlosvnge . mit dem gwalt
 49,3 des heiligen insigeles . von dem zeichen
 49,4 siner gvote wrden wir benomen dem leidigem
 49,5 valande . do got geboren wart
 49,6 als wir hivt begen do geschahen groziv
 49,7 zeichen . als ich iv nv sage . da tze rome
 49,8 was ein apgot bi heidenischer herscheft .
 49,9 der riet stvrm vnd vehten . wi si div lant

49,10 dwingen solten daz si vndertan wrden
49,11 dem romischen fvrsten . den hiezen si
49,12 marte- . der sprach ze den herren . so ein
49,13 maget chint gwnne . so mvse er vallen .
49,14 vn- en moht nimer ir got werden
49,15 geheizen . Si sprachen alle daz en moht
49,16 nimm' werden daz ein meit immer
49,17 vnbewollen chint gwnne . si ne dahten
49,18 niht an gotlichen gwalt . Sa ze den
49,19 wihnahten wart ze rome ein michel

50,1 schal . vnd viel daz apgot . vnd fvr schriende
50,2 vz der stat ze rome . allen den tach
50,3 was ein gvldiner rinch vmb di svnne .
50,4 vz einem herten steine da tze rome
50,5 vloz ole an dem tage . dar an wart vns
50,6 erzeiget daz rome mvter ist aller der
50,7 heiligen christenheit . vn- daz der ware
50,8 gotessvn . da teilen wil daz ole siner
50,9 bermde . der rvch vns si hvt mit ze teilen
50,10 an libe vnd an sele . De Natiuitate .
50,11 Cantate domino canticum nouum quia mirabilia fecit .
50,12 Nv svln wir di bermde des almahtigen
50,13 gotes an sehen . vn- svln ahten di
50,14 manigen bizeichen vnser erlosvnge .
50,15 di manvnge des heiligen goteswortes
50,16 di suln wir mit gvtem herzen vn- mit
50,17 gvter andaht vernemen . vn- cheren
50,18 ze bezzerunge libes vnd sele . wand hvt
50,19 ist ein vil heiliger tach . der wnnechlichen

51,1 hohzit . div vil rein tvlt . S . Marien .
51,2 daz si alle dise werlt gefrowet mit ir
51,3 heiligen gebvrte . vnd daz si got so behielt
51,4 an siner gebvrte . daz si magetlichen
51,5 samen nie verlos . vnd iedoch
51,6 mvterliche ere behabete an dem chvnige
51,7 des himels vnd der erde . daz was
51,8 heilich genvch . vn- wnderlich . da von
51,9 sprach dauid . “Cantate domino” er raetet
51,10 vns daz wir ze der niwen gebvrte . an
51,11 der vngewonlichen gebvrte . div e vngehört
51,12 was . div e nie ergie . noh ni-m'
51,13 erget . daz wir singen ein nivz sanch .
51,14 dem niwen chvnige . den vns sant Marie
51,15 div ewige maget gewan . ein so heilich
51,16 lop . vn- ein so niwez sanch da niht inne
51,17 si alter svnde . vnd alter schande mennischlicher

- 51,18 gewonheit . der heilig christ
 51,19 der e was verborgen in dem bvsem sines
- 52,1 vater . vnd of dem himel nie mvter gwan .
 52,2 der lach vf der erde in der schoze siner lieben
 52,3 mvt' . an vat' vnd irdischer svnde .
 52,4 Cantate domino daz ist billich daz wir daz
 52,5 edel chint enpfahen mit lobe vnd mit
 52,6 gesange . vnd hvt flizchlichen grvzen
 52,7 di reine maget . div an aller chivsche genossam
 52,8 ist den heiligen engeln . Ir liebes
 52,9 chint machet den himel vnd himelische
 52,10 tvgende ze helfe mennischliche-
 52,11 chvnne . Cantate . dar vmb svln wir singen
 52,12 in vnserm herzen ein nivz sanch .
 52,13 wan er vns wnderlichen geschvf . vnd
 52,14 michel wnderlicher erloset . er nam an
 52,15 sich fleischliche brvnne daz er mit
 52,16 vnserm veint wolde willichlichem
 52,17 vehten . vn- vns vz dem rachen des laidigen
 52,18 valandes erlosen . Cantate . Nv bedenchet
 52,19 wi genaedichlichen er vns hat
- 53,1 gewiset . als ein lieber vat' sin liebes chint .
 53,2 er nam vf sin ahseln vn- vf sin arme daz
 53,3 schaf daz im der tievel benomen het . mit
 53,4 lvgelichem rate . daz er an alle sin schvlde
 53,5 verlorn hete . vn- braht iz hvt vil genaedichlichen
 53,6 wider in den barnen abrahames .
 53,7 in di witen pfalzen himelischer
 53,8 herscheft . Cantate . da wider svln wir
 53,9 singen in der getovgen vnsers herzen
 53,10 niw tvgende . reine gedanche . lvtlichen
 53,11 antheiz reines lebens . an der hohzit
 53,12 di wir hvt begen do chomen di heiligen
 53,13 engel vz der tovgenlich' wesunge himelischer
 53,14 herberge . vn- chomen ze bethlee-
 53,15 da hvten hirte ir vihes . den chvnden si
 53,16 ein gemeine freude . daz allez manchvnne
 53,17 geeret waere von der gebvrt vnsers
 53,18 herren . Si svngen lob vn- ere . heil vnde
 53,19 chraft . tvgent vn- ewigen gwalt dem
- 54,1 nivgeborn chinde . vnd fride vnd saelde .
 54,2 allen den mennischen di vf der erde sin deheines
 54,3 gvten willen . Cantate domino canticum .
 54,4 Nu suln wir hvt singen ein nivz sanch
 54,5 den heiligen engeln der geistlichen frowde .

54,6 den gvten willen . ob wir div werch niht
 54,7 volbringen mvgen . Hivt ist ein anege
 54,8 vnser selden . ein niwer trost des
 54,9 ewigen lebens . De Sancto Stephano .
 54,10 Stephanus autem plenus gratia et fortitudine faciebat prodigia et signa
 magna in populo .
 54,11 Vnser svnde di sint vil manichvaltich .
 54,12 dar ngegen hat der himelische vat'
 54,13 arzat . vn- manige helfe vns gesetzet
 54,14 von sinen heiligen . als hivt gvt schin
 54,15 ist an dem heren martirer sant stephan- .
 54,16 Swaz wir von im ie gvter dinge horte-
 54,17 sagen . daz sol hivt vnser warnvnge
 54,18 sin vn- manvnge z allem rehte . Swer
 54,19 sin heilcheit vnd sin marter vnd sin

55,1 gedvlt mach nah sinem bilde tragen
 55,2 der wirt vil selich den laitent och di
 55,3 heiligen engel fvr got als si sant stephanum
 55,4 taten . Gestern wart vnser schepfaere
 55,5 geborn in dise werlt . daz hivt sante
 55,6 Stephan varn mvse in di witen pfalzen
 55,7 der himelischen wnne . er wart
 55,8 geleit in di engen chrippen . daz diser
 55,9 herer marteraer vnd alle sin volgere
 55,10 di witen herschaft besezen di immer
 55,11 ewich ist . vor des heiligen christes gesiht
 55,12 in dem gotesriche . Nv svln wir
 55,13 vernemen wi der heilige herre . Sant Stephanus .
 55,14 wrde gemartaert . vn- wi er ervohten
 55,15 habe di ewigen wnne . ein romischer
 55,16 cheiser ein heidenischer man der wart
 55,17 vzsetzich . dem wart geseit daz da tze
 55,18 Jerusalem ein gweltiger arzet . were der were
 55,19 als mahtich daz er an salben vnde an

56,1 wrzen mit einem worte allen siehtvm
 56,2 wol chvnde v'triben . vn- alle di gesvnt
 56,3 machen di an in wolten gelovben . daz
 56,4 wart geret von der magde svn vnserm
 56,5 herren dem heiligen christe . Do fvr der
 56,6 selbe cheiser zv wand in dwanch div vnchraft
 56,7 sines libes . vn- sande boten hin tz
 56,8 Jerusalem . vmb den wisen arzt . do sprach
 56,9 pilatus . di vbeln ivden heten in gemartert .
 56,10 waer er inder in libe er sant im
 56,11 in vil gern . dar wider sprachen di ivden .
 56,12 div schvlde waer elliv ir chvniges

- 56,13 pilati . vn- vorhten beidenthalpn den
 56,14 cheiser vil sere . do wrden di ivden des
 56,15 ein daz si ein frvmen boten sanden
 56,16 der ir vnschvlde wol chvnde gereden .
 56,17 vn- wart in geraten vf sant Stephan .
- 144,13 Swi wol vns allen
 144,14 chvnt si . daz wir vns vor den osteren suln
 144,15 bereiten mit geistlichen tvgenden . iedoch
 144,16 svln wir einander manen vnd sagen
 144,17 daz goteswort . Di swaere sint vn-
 144,18 traege sint vnd lihtmvtich . di svln
 144,19 wissen daz in dvrft ist gvt' warnvnge
- 145,1 daz si ringen mvt gewinnen vn- willigez
 145,2 herze in daz dinest ir schepfers . Di sich
 145,3 aber wol behalten habent vn- gern andaechtich
 145,4 sint ze den chvnftigen eren di
 145,5 got behalten hat sinen trvten di vernemen
 145,6 daz goteswort daz ir selde deste
 145,7 baz mvge gewrzen . Daz ist daz oberist
 145,8 reht daz sich niemen so durnahtich wenen
 145,9 sol . er n erchenne dannoh daz im bezzervnge
 145,10 dvrft si . niemen ist so heilich
 145,11 in dirre werlt . er ne mvge wol heilig'
 145,12 werden . vnd ie hoher stigen vf den este-
 145,13 vn- ander grede des rehten gelovben .
 145,14 vn- geistlicher werche . Da von spricht
 145,15 sant paulus der chreftig lere git der heiligen
 145,16 christenheit . hortamur uos ne in vacuum .
 145,17 er moht vns wol gebieten des ne tvt
 145,18 er niht . er schvndet vn- biten vns daz
 145,19 wir di gnade vnsers herren iht vnwirdichlichen
- 146,1 enphahen . vns selben an nvtz
 146,2 vn- an wcher . der ewigen frevden . want
 146,3 ditz zit ist antfanclich vn- sint di tage
 146,4 vnsers heiles . Niemen wirt von der heilige-
 146,5 vasten beswaert wan der tievel vnd sin volgaere .
 146,6 heilen vns also vn- vertiligen vnser
 146,7 svnde . ut non uituperetur ministerium nostrum . Daz vnser
 146,8 dienst iht bescholten werde for got .
 146,9 vn- iht bespotet werde von dein valande .
 146,10 er zeiget vns mit allem vlizze daz wir
 146,11 niht bechort werden mit vngehorsam .
 146,12 daz wir den vanen der warheit mit rehten
 146,13 werchen bringen mvssen an vnser
 146,14 hinvart fvr den almahtigen got . Disiv

- 146,15 chaerrin di wir nv begen div ist niht
146,16 ein niwez gebot . noh von smaehen leraern
146,17 funden . Lex et prophete primitus hoc protulerunt .
146,18 Div alt e vnd di heiligen wissagen di
146,19 warn ein aneenge diser besserunge
- 147,1 diser warnunge . postmodum christus sacrauit omnium
147,2 rex Dar nah wiht vnd gesegent dise
147,3 vierzich tage der chvnich aller dirr werlt .
147,4 Et factor temporum vn- der elliv zit werden
147,5 hiez vnd ze sinem lobe bescheiden hat .
147,6 Disiv vast div ist licht vnd von himel gezeiget .
147,7 von der selben vasten wart moyses
147,8 vil liep sinem schepfaere . vnd wart
147,9 wirdich ze sehen vf einem hohen berge
147,10 daz here antlvz vnsers herren . da von
147,11 wart der irdisch man als licht vnd als
147,12 schone . daz in niemen an gesehen mohte .
147,13 do er trvoch di alten e di got mit sinen
147,14 vingern geschriben het . in eine- herten
147,15 steine . als licht wirt vnser sele vor m
147,16 almahtigen got . ob wir vns in dis' zit
147,17 waschen vn- gereinen von vnsern svnden .
147,18 ein ander wissage hiez helias von dem
147,19 ist geschriben . hoc ie iunium heliam per aera
- 148,1 curru leuauit igneo . Do der selbe herre
148,2 wol begiench vn- reichlichen behielt
148,3 dise vierzich tage do was er got so heimlich
148,4 vn- so genaem . daz er sin engel hiez
148,5 von himel gegen im varn mit einem wagen
148,6 der bran mit fivre als ob er gvldin
148,7 waere . dar vf wart er gefvrt mit libe
148,8 vnd mit sele fvr di magenchraft vnsers
148,9 herren in di himelischen wnne . Hinc
148,10 daniel misterium uictor leonum uiderat . aber ein and'
148,11 wissag hiez daniel der verdient an dirre
148,12 vasten . do in sin vient di vngetovften
148,13 heiden in ein charchere wrfin in ein lvch da
148,14 warn inne siben lewen vn- warn die
148,15 hvngerich gemaht . daz si dest raezzet
148,16 waern . do er vnder si wart geworfen
148,17 do ne mochten si im nehein schade sin .
148,18 vnd wart gesvnter vn- an allez lait ser dannen
148,19 gelediget . wellen ovch wir mit
- 149,1 vlizze dienen . vnd in disen tagen an gallen
149,2 sin . so wirt der grimmige lewe der

- 149,3 tievel vns vor gebvnden . swi wite er
 149,4 gin daz er vnser sele niht getar gervren
 149,5 an dem ivngisten tage . In Dominica Letare .
 149,6 “Viuo ego” dicit dominus “nolo mortem peccatoris”
 149,7 wir svln hivt vernemen vn- svln
 149,8 vns niht svmen wir horn frolichen vnsers
 149,9 herren botschaft . wir svln wachen
 149,10 vnd mvnter sin vn- vil schone vf gerihtet
 149,11 vz dem slafe des ewigen todes . Der
 149,12 wahter ist vf einer bvrch der rvfte
 149,13 vn- singet mit schalle vnd get alumbe
 149,14 daz nehein vient di state gewinnen
 149,15 mvge in ze schaden di darr inne sint .
 149,16 Swi stille wir sprechen swi tovgenlichen
 149,17 wir gedenchen . vnser herre vernimt
 149,18 iz allez wol . vnd bringet iz allez
 149,19 an ein ende al nah vnserm gelovben .
- 150,1 Vnser herre der ie was in gotlichem schin
 150,2 vn- imm’ ist der spriht vns zv vil vaterlichen
 150,3 vn- vil gnedichlichen . “Uiuo ego” dicit dominus
 150,4 “nolo mortem peccatoris” “Ich leb imm’ ewichlichen” spricht
 150,5 vnser herre . “was hvlv mich der tot des
 150,6 svntaeres . ich wil sines todes niht . ih wil
 150,7 daz er sich bechere vn- imm’ mitsamt
 150,8 mir lebe .” O wi wi mohten wir immer
 150,9 verdinen sogetaniv wort . solich bermde .
 150,10 chvnden wir nv an vns selben sin willen
 150,11 ervllen daz waere ein reiner chovf vn- vil
 150,12 besser danne rotes golt . oder wizzesz silber .
 150,13 od’ dehein ander dinch des immer
 150,14 mach erdaht werden . er gan vns sin wol
 150,15 vn- ist sin wille daz wir vns becheren
 150,16 vn- bvzen vnser vnrechte . birn wir vns
 150,17 selben getriw so merchen disiv wort .
 150,18 vn- sagen im gnade vn- biten in helfe .
 150,19 daz vnser becherde sich niht vf schiebe .
- 151,1 daz sin heiliger geist vns bewise alles
 151,2 des daz im selben an vns geneme si .
 151,3 Daz rvch got z erfollen daz sin chovf
 151,4 an vns iht werde vlorn . Tribularer si
 151,5 nescirem misericordiam tuam domine . wir arme
 151,6 svntaere mohten wol angst haben .
 151,7 wessen wir niht di manigen bermde
 151,8 vnsers herren . sin groze gyte . manige
 151,9 sin gnade . den willen sines trostes . westen
 151,10 wir des alles niht so mvse vnser

151,11 herze lange sin mit zwivel bevangen .
 151,12 vn- mit angesten vnd chlagelichen sorgen .
 151,13 Wir svln geben vnser almvsen in
 151,14 sin zeswe . vn- an betten sin magenchraft .
 151,15 vnd setzen fvr vns daz vrchvnde
 151,16 vnser alten vordern . Moyses hiez ein
 151,17 patriarcha ein vater vnd ein leraere
 151,18 israhelischer livte . dem was ein heidenischer
 151,19 chvnich vngenaedich der hiez

152,1 amalech der wolt Moysen vnd alles sin
 152,2 volch erslagen haben . als er zv reit mit
 152,3 sinem here do hiez der heilig wissage
 152,4 sin vntertane vehten . vnd gie er mit
 152,5 svmelichen altherren vf einen hohen
 152,6 berch . vn- rachte sin hende beide vf ze
 152,7 dem almahtigen got . er gert niht irdischer
 152,8 helfe . wan von himele . er n leit
 152,9 niht an ein halspge noh ein helm . noh
 152,10 schilt noh nehein gewafen . sin reines
 152,11 gebet was im allerbeste vnt nvtze
 152,12 allen den sinen als er sin arm vf rachte
 152,13 hin z himele so gewnnen di sinen vor
 152,14 dem berge den sich . als er si nider lie .
 152,15 daz er mvd wart so gesigten di heiden .
 152,16 Do di altherren di mit im warn vf dem
 152,17 berge gesahen ditz wnder . do stvnten
 152,18 si vnder sin arm vnd warn im volleist
 152,19 siner gedanch hin z got vn- sines gebetes .

153,1 Von den gvoten Worten di vz sine- mvnd
 153,2 fvrn . vn- do er sin zeswe vf het gerecket da
 153,3 wart der heidenische chvnich vberwunden
 153,4 mit vn- sigelos vn- alles sin here ze leide .
 153,5 Mohten wir nv dem gotestrvt
 153,6 moysen nah gevolgen . so wrt vnser
 153,7 vaste lobelich vn- got vil genaeme . der
 153,8 leidige valant der wil vns des niht erlazzen
 153,9 er ne stvrme mit vns tage vnd
 153,10 naht . im ist vnser vaste leit . vnser almvsen
 153,11 vnwert . vnser gebet vngenem
 153,12 elliv vnser gvtaete vil swere vnd vil
 153,13 zorn . so di brister ze dem alter gent
 153,14 so stigent si vf den berch . vn- recchent
 153,15 ir hende vf . vnd bitent vmbe vnser
 153,16 heil . daz der tievel vn- allez sin her siglos
 153,17 werde . vn- wir von sinem nide . vn-
 153,18 siner vientschefte vnd von allen sinen

- 153,19 vntriwen erlose werde- . Nv suln wir
- 154,1 arme livte vf sten . vnd suln vnsers gebetes
 154,2 flizich sin . daz in dirre heiligen vasten
 154,3 vnser tugende gemert werden . vn-
 154,4 vnser svnde geminnert . In Palmis .
 154,5 Cum appropinquasset iesus ierosolimis
 154,6 et venissent bethfage ad montem oliveti tunc misit duos ex discipulis
 154,7 et cetera Wir svln wissen vnd gelovben daz
 154,8 disiv hohzit got selbem ist genaeme .
 154,9 vn- allen seligen mennschen nvtze vnd
 154,10 gvt . Disiv manunge ist wite gebreit .
 154,11 vnd ist vil offen vf dem himele vnd vf
 154,12 der erden . Wir svln daz gelovben das nehein
 154,13 mensch so svndich si der sich hivt
 154,14 neme vz der gemeinen freude div hivt
 154,15 gechnvet wirt vber al di heiligen
 154,16 christenheit . Div wnnichlich zit div
 154,17 vns chomen ist an den bovmen . an den
 154,18 blvmen daz schvndet vns ze rechter becherde .
 154,19 daz wir niht also durre beliben .
- 155,1 daz vnser herze grvnen mvsse mit den
 155,2 blvmen geistlicher tvgende . mit den
 155,3 palmen lobelicher signvfte daz der tievel
 155,4 flvhtich werde . vn- mit schanden
 155,5 hivt von vns scheide . daz wir mit im
 155,6 vnreinem niht gemeines haben . Des
 155,7 sol vns helfen daz gemeine bet daz hivt
 155,8 braht wirt fvr vnsern herren von allen
 155,9 sinen holden . Cum adpropinquasset
 155,10 Wi vnser herre fvre ze Jerusalem . vn- mit
 155,11 welichem lobe er dar chome daz saget
 155,12 vns hivt daz helig Evangelium . er chom in
 155,13 ein stat div hiez bethania dar inn was
 155,14 gesezzen sant Martha . vnd ir swester
 155,15 sant Maria magdalena di heten ein
 155,16 brvder der hiez lazarus . der starp in den
 155,17 ziten . Dar vmb chom der ware gotessvn
 155,18 ze der selben stat mit sinen ivng'n
 155,19 mit den zwelfpoten . di warn alle
- 156,1 vil trvrich vn- weinten den tot ir frivntes
 156,2 lazari . Do div heilige frowe sant
 156,3 Martha daz freischt daz vnser herre
 156,4 ze dem bvrge tor chomen was . do gie
 156,5 si vil drate vnd viel an sine fvze vn-
 156,6 sprach . “Domine si fuisses hic frater meus non fuisset

156,7 mortuus .” “Lieber herre” sprach si . “waers tv
156,8 hie gewesen min brvder were niht
156,9 tot .” Do sprach vnser herre . “din brvoder
156,10 stet vf vn- wirt lebentich .” des antwrt
156,11 im div frowe Martha . “Ich weiz wol
156,12 herre daz er erstet an dem ivngisten
156,13 tage so alle mennsch erstent .” Do sprah
156,14 aver vnser herre . “Ich bin ein vrstende .
156,15 vn- der ewige lip . swer an mich gelovbt
156,16 der erstirbet nimm’ des ewigen todes .”
156,17 schiere chom ovch sant Maria magdalena .
156,18 vn- sprach div selben wort . dvrch ir beid’
156,19 liebe chom er vil gweltiger herre in

157,1 di selben stat vn- weinte ze gesichte der
157,2 ivden . vnd hiez den stein der vber den toten
157,3 geleit was abe werfen . vnd rief vil
157,4 lvte . “lazare wach vn- stand vf wirt lebentich .
157,5 vn- chvm her vz zv vns .” sa ze dem
157,6 worte sprach lazarus vf . vn- was dannoh
157,7 gebvnden mit dem vberdonen . Do hiez
157,8 in vnser herre losen . vn- ledichlichen
157,9 varn swar er wolt . Daz zeichen begie
157,10 der vater al der werlt . in der stat ze bethania .
157,11 Nv suln wir bedenchen di geistlichen
157,12 bizeichen di vns dannen chomen
157,13 mvgen . Swer mit hovpthaftigen svnten
157,14 bevangen ist . des sel ist verscheiden .
157,15 so suln wir bedenchen daz vnser herre
157,16 sprach . “ich bin ein vrstende vn- der ewige
157,17 lip .” vn- suln von sin gnaden vf sten
157,18 mit rechter riwe . vn- mit reiner bvze .
157,19 Daz vnser herre begynde svfften vnd

158,1 weinen daz ist ein vrchvnde sin’ diemvt .
158,2 er ne chleite in einen niht . wand er geweltich
158,3 was in z erchvcchen von dem tode .
158,4 im erbarmot vnser aller val . daz wir
158,5 von dem paradyso wrden verstozen . vnd
158,6 totlich worden birn . er sprach do der
158,7 tote solt vf sten . “Tollite lapidem” “werfet
158,8 den stein fvrder .” der stein bezeichent
158,9 di herte vnsers herzen . di svln wir fvrder
158,10 werfen . nit . vn- haz . vn- alle honchvst .
158,11 ob wir wellen daz vnser sel erste von
158,12 dem ewigen tode . Wi spricht vnser
158,13 herre . “Soluite eum et sinite eum abire”
158,14 er gebivt sin ewarten so sich di livte

- 158,15 bechern . daz si si losen von den banten
158,16 ir svnden . da si von des tieveles raten
158,17 mit gebunden waren . Et uenissent bethfage
158,18 Dannen fvr der heilig christ hin tz bethfage
158,19 hoc est domus obedientie daz spricht
- 159,1 ein hvs der gehorsam . dar inne buwot
159,2 vnser herre do er in den brvsten was bevangen
159,3 sant Marien der ewigen magede . do
159,4 was er gehorsam worten dem himelischen
159,5 vater . In monte oliueti was er ovch vf dem
159,6 berge der olebovm . Daz ole daz bedvtet
159,7 sin bermde . daz er alle svndaere di im getrowe-t
159,8 salbet vn- heilet . Dannen sant er
159,9 zwen boten hin tz Jerusalem . daz was div alt
159,10 e vn- div niw . da mit wart im bereit
159,11 der esele den er wolt riten dvrch sin diemvt .
159,12 In dem antfange als er da enpfangen
159,13 wart . also suln wir hvt schinen
159,14 mit lob vn- mit sange . mit rechter becherde .
159,15 des helf vns d' vat' . In Palmis .
159,16 Tempus meum nondum aduenit tempus autem uestrum
159,17 semper est paratum Gnade vn- heil . vnd segen vnde
159,18 chraft . vn- elliv tvgent si vns hvt gechnvet
159,19 von got . daz wir dise tvlt dise
- 160,1 wnnechlich hohcit also mvssen begen
160,2 als iz got genaeme si . vn- alles reht an vns
160,3 besigelt werde . Iz was lange vor gechnvet
160,4 vmb sinen tot . von den wissagen in
160,5 der alten e . wi der chvnich aller chvnige
160,6 solt chomen hin tz Jerusalem vf einem esele .
160,7 vn- wi wol er wrde enpfangen von den
160,8 ivngen chinden . von der reinen menige .
160,9 Di alten iuden di warn erblindet vnd
160,10 ersteinet . da von sprach vnser herre z in .
160,11 "Tempus meum nondum aduenit ." "Min zit" sprach er
160,12 "ist noh niht chomen daz ich di werlte
160,13 ledigen sol . iwer zit iwer vbel iuden ist
160,14 z allen ziten bereit . daz ir iuern heilant
160,15 welt martern an schvlde der iv lange
160,16 was geheizen . vnd nv chomen ist . der
160,17 iwer vordern lute dvrch ein michel
160,18 wsten . der ivh schon spiste mit dem himelbrote .
160,19 der iuern dvrste laschte
- 161,1 mit dem wasser daz er fliessen hiez vz
161,2 dem gellunten steine . der vnzalliche

- 161,3 bermde an iv begangen hat . vber den
161,4 habt ir den willen z allen ziten daz ir
161,5 im vbel lonen welt . So min zit chvmt”
161,6 sprach vnser herre . “so gen ich swigent
161,7 als ein schaf . vnd wurde vmb mich geopfert
161,8 vnd vmb alle svntaere .” Nv suln
161,9 wir merchen di wile got nine wolde
161,10 do mohten in di iuden niht gevahen .
161,11 swi groz ir vntriwe waere . swi vil si
161,12 nah im gefvrn do er sin do verhancte
161,13 vnd div heilig zit chom do laid er den
161,14 tot vmb vns . was liden wir nv vmb in .
161,15 was mvgen wir im gezeigen an dem
161,16 ivngisten tage so er vns zeigte sin
161,17 fivnf wnten . di er vmb al di christenheit
161,18 erliten hat . sin tot ist vns’ leben .
161,19 sin diemvt ist vnser hohvnge . vnser
- 162,1 ere . vnd vnser genist . daz plvt siner
162,2 wnten daz ist ein heilwach der svndigen
162,3 sele . Do der helig christ sin gnade ervllen
162,4 wolte an vns . sa ze der wile sant er
162,5 sin ivnger hin tz Jerusalem . vnd seite n si
162,6 fvnden ein esel gebvnden an einer wegescheide .
162,7 vnd den ivngen bi ir . vnd
162,8 gebot daz si di mvter losten vn- si beide
162,9 brehten fvr in . do si braht wrden .
162,10 do leiten di zwelfboten vf den ivngen
162,11 esel . ir gwant vn- saz er do vf den alten selb vnd reit hin tz
162,12 Jerusalem . da wart michel vzloffn . groziv
162,13 frevde geistliches antfanges . div
162,14 ivnge werlt div darr inne was di brachen
162,15 ir palmen ab den bovmen . vn- olezwi .
162,16 ir schon gwant von ir prvsten
162,17 vnd sprachen . “diser ist der herre der
162,18 den toten lazarum erchvcht . vnser
162,19 vordern di en wellent in niht erchennen .
- 163,1 wir suln aver in in vnser wenicheit
163,2 wol erchennen .” Michel menige
163,3 fvr vor vn- nah . vnd svngen “benedictus
163,4 qui uenit in nomine domini rex israel” “dv bist
163,5 chunich der israhelischen diet . nv wis
163,6 ewichlichen gesegent in der hohe des
163,7 himiles vn- heil vns .” ditze ampt vnd
163,8 disiv rede sol hvt an vns ervllet werden
163,9 mit geistlichem troste . disiv eselinne
163,10 div was gebvnden div bezeichent

- 163,11 di vbeln iuden . di imm' gebvnten sint
163,12 mit fiwrin banten in der helle . di in
163,13 dirre werlt niht bechert werdent
163,14 di werdent fvnten an der wegscheide .
163,15 wand si manigen irretvm tragent
163,16 in ir herzen . daz iunge daz vngezamt
163,17 was . vnd ein swere bvrde zoh . daz bedvtet
163,18 all di heiligen christenheit . vf
163,19 vns wil vnser herre sitzen . vn- in vns'm
- 164,1 herzen bovwen . di heiligen zwelfpoten
164,2 habent ir gwant vf vns geleit . vn- and'
164,3 vnser leraere . di mit ir gvten lere vns
164,4 ladent vn- wisent des besten . Wir suln
164,5 och hvt vnser gwant fvr sin fvzze
164,6 werfen . im ze lobe vnd ze eren . daz ist
164,7 vnser lip vn- elliv div chraft di wir geleisten
164,8 mvgen . Bringen wir palme
164,9 fvr sin ovgen daz wir dem leidigen
164,10 vient vn- aller siner schvndvnge widersten
164,11 mvessen . div menige div vor
164,12 im fvr in ze loben . daz sint vnser vordern
164,13 di reinchlichen habent gelebt
164,14 in dirre werlt . vnd daz ewige lon enpfangen
164,15 habent . di dar nah fvren daz
164,16 birn wir di noh in diser werlt sint .
164,17 wir suln mit lob vn- mit sange in nah
164,18 volgen daz div schar des almahtigen
164,19 gotes mit vns gemert werde . des helf
- 165,1 vns got dvrch siner marter ere . amen
165,2 In Pascha Hec est dies quam fecit
165,3 dominus exultemus et letemur in ea hvt ist der heilige
165,4 tach den niemen mach ervollen
165,5 mit lobe noh mit gesange . von diser
165,6 hohzit spricht dauid . "swi got geschaffen
165,7 habe alle tage . vn- elliv zit im ze
165,8 eren vnd vns ze wnne . iedoch ist dirre
165,9 tach so verre vz genomen mit der heiligen
165,10 vrstende vnsers herren . daz dirre
165,11 tach nemelichen im gegeben ist . wan
165,12 alliv disiv werlt sol geeret werden
165,13 von siner herscheft . von sinem trost .
165,14 von sinem schine des ewigen lebens ."
165,15 do got gehohet wart an daz heilige
165,16 cruce . do wart elliv disiv werlt vinst'
165,17 von der sehsten wile vnz an di none .
165,18 dv sprvngen di herten stein an einander

- 165,19 vntz si brasten . div svnne vn- der
- 166,1 man bvrge ir schin . di breiten vmbhanch
166,2 di vf gespenget warn da tz Jerusalem in dem
166,3 goteshvse . di begvnden ze chrachen vn-
166,4 wrden gecerret von einem orte vntz
166,5 an daz ander an menschen hant . di greb'
166,6 di in ir chirchove warn di taten sih vof .
166,7 vn- wrden gnvch lebentich di e tot waren
166,8 vn- erschin da tz Jerusalem den lvten di
166,9 des wirdich warn ze sehen . Si gaben
166,10 vrchvnde dem heiligen christ . wi gewaltichlichen
166,11 er di helle breche . wie
166,12 er adamen dar vz erlost vnd alles manchvne
166,13 di dar inne warn gebvnden
166,14 dvrch ir vngheorsam . di in der helle
166,15 lange waren gewesen mit leide . di
166,16 sprachen vil frolichen . “Ad uenisti desiderabilis
166,17 quem expectabamus in tenebris” Si svngen “herre
166,18 gwaltiger got . trost vnd helfe .
166,19 gnade vnd wne aller glovbigen
- 167,1 sele . nv bist v chomen zv vnser erlosvnge
167,2 dv hast wol bedaht vnser hellewitze
167,3 vnd din selbes bermde . wir haben din
167,4 lange gebiten . vnd nah dir gesvftet
167,5 vil manich zit . So wir di hende mvsten
167,6 winten von criscrammen so gedahten
167,7 wir herre an dich . vn- wnschten din .
167,8 nv ist vnser gedinge an dir ervollet .
167,9 nv lose vns gnediger vater vz disem
167,10 charchere . da wir inne warn gebvnden .
167,11 la vns niht lenger in disen noten”
167,12 Nv svln wir vernemen wi di vnreinen
167,13 geiste sprachen di tievel di in dem apcrvente
167,14 lagen vnd martertn di armen
167,15 sele . di stvben hin vn- her . vnd livffen
167,16 mit zorne fvr ir meister den alten hellewart
167,17 vnd begvnden im itewissen
167,18 vnd sprachen . “diser schade vnd diser
167,19 vngemach ist vns aller von dir bechomen .
- 168,1 dv riet vns daz wir fvren zv den
168,2 vnseligen iuden vnd die schvnden vn-
168,3 rieten daz si disen heilant der hie schinich
168,4 ist daz si den habent gemartert .
168,5 dv spreche wrd er ein verraten daz
168,6 dar nah imm' mere alle sele her z vns

168,7 wrden gefvert . vn- von vns niht mohten
168,8 chomen . nv sich vnreiner meister
168,9 wi iz vns ergangen si . der meide svn
168,10 ist chomen . sih vil vngezaeme . sih vil
168,11 vnseliger . wi er schinet in vnserm
168,12 charchere . der wart e nie lieht vnz
168,13 er her chomen ist . er hat vertriben
168,14 gwaltichlichen di vinsten da wir
168,15 inne buweten . alle di wir ie her brahten
168,16 di wrden trvrich vnd leidich .
168,17 mit grozen vorhten bevungen . nv ist
168,18 er ein inter mortuos liber nv ist er fri
168,19 vn- an sorgen vnter allen den toten .

169,1 vn- gwaltich ob allen toten . di sele di
169,2 vns e vorhten di beginnent nv des spotten
169,3 daz si ze himile suln varn . vnde
169,4 wir tieffer in di helle . wi haben wir
169,5 vnser arbeit so verlorn . daz wir niht
169,6 mvgen erwenden disen rovp den vns
169,7 der meide svn tvt .” alle tievel wrden
169,8 geschendet do vnser herre fvrt den
169,9 vanen vnser erlosvnge ze den himilischen
169,10 gnaden . vnd alvmb in
169,11 michel freude was von sinen
169,12 chinden di von sinen gnaden ir angste
169,13 heten vberwunden vz dem wallenden
169,14 fivre swebels vn- peches . als liep
169,15 vnd als wol mvosse vns geschehen an m
169,16 ivngisten tage . so der tievel vn- elliv
169,17 siniv schar di vinstern helle powen
169,18 mvessen . daz wir danne chomen zv vnsers
169,19 herren antlvz . vnd werden gefvert in

170,1 daz riche daz er hat bereitet sin chinden
170,2 von aneenge dirre werlte mit
170,3 dem insigel siner fvnf wunden . di vns
170,4 habent ernert von dem ewigen tode .
170,5 Nv tvn als vns sant paulus raet . “Expurgate
170,6 uetus fermentum ut sitis noua conspersio” er sprichet
170,7 “chert von iuern sinnen . vnd vz iuern
170,8 brvsten di alten vn- di bosen gwonheit .
170,9 dar vmbe daz ir sin mvssset ein niwer
170,10 antfanch vor vnsers herren
170,11 ovgen .” Nv svln wir vernemen
170,12 was da mit gemeint si . In d’ alten e
170,13 was ein gewonheit . so si namen rind’
170,14 vnd schaf vn- bokche . vnd brahten daz

- 170,15 alles fvr fronalter . z einem opfer fvr
170,16 ir svnde . so namen si daz plvt vn- branten
170,17 svmelichez . vn- namen danne den
170,18 aschen vnd besprancten da mit ir livte
170,19 vnd alle ir vntertan . da von spricht
- 171,1 aver sant paulus . “Si enim sanguis hircorum
171,2 et cinis uitule aspersus coinquinatos sanctifica
171,3 ad emundationem carnis quanto magis
171,4 sanquis christi” er chvt “ob si dest reiner
171,5 wrden di besprenget waren mit dem
171,6 plvte vn- mit dem aschen der von dem
171,7 vihe wart genomen . wer solt nv zwiveln
171,8 si ne sin alle heilich di mit dem
171,9 plvte des almehtigen gotes werdent
171,10 besprenget .” Cui est honor . In Pascha
171,11 Si conresurrexistis cum christo . que sursum
171,12 sunt . querite . ubi christus est in dextera dei sedens .
171,13 Nv suln wir an vns meren geistliche
171,14 wnne . Tier vnd vogel walt vnd velt .
171,15 vn- elliv geschafft sint nv in der besten
171,16 wise . vn- ze frevden wol gerihtet mit
171,17 vnsers herren vrstende . wellen wir
171,18 nv geniezen siner vrstende . so ledigen
171,19 vnser sel von den irdischen dingen . vn-
- 172,1 svchen her fvr div dinch di vns leiten
172,2 ze dem himelrich da vnser herre sitzet
172,3 ze der zeswen sines vat’ . im ebenherre
172,4 vnd ebengwaltich . dar mvgen wir wol
172,5 chomen ob wir wellen . wir haben volleist
172,6 an siner bermde . vn- an siner getriwen
172,7 mvter . vn- an allen sinen heiligen .
172,8 vnd an drin frowen di mit ir salben
172,9 hin tz dem heiligen grab chomen
172,10 vnd wol enphangen wrden . vil frv
172,11 an dem heiligen tage ze ostern wrden
172,12 si enein . daz si chomen ze vnsers herren
172,13 grabe . vnd trvgen mit in di vil edelen
172,14 salben . vn- wiroch . Nv horen wi iz in
172,15 ergie . do di vbeln ivden begiengen
172,16 daz vnpilde an vnserm herren do giengen
172,17 si zv ir chvnig pilato . vn- sprachen .
172,18 “Herre wir haben vns bedaht daz der
172,19 irraere den wir da haben gemartert
- 173,1 daz er sprach er wolt vf sten an dem
173,2 dritten tage . Nv gebivt daz herre

- 173,3 chvnich daz sin grap wol werde behvot .
 173,4 daz vns dr an iht missege .” der chvnich
 173,5 antwrt in do . vnd sprach . “habetis custodiam
 173,6 ite custodite sicut sicitis .” “Ir habet
 173,7 des gvt stat daz ir wol gehvten mvget .
 173,8 get schafet selb iwer dinch . als
 173,9 iz iv allerbeste si .” Sa giengen di verworhten
 173,10 iuden vn- hiezzen wol hvten
 173,11 ir riter vn- ir chnehte . di machoten
 173,12 ir fivr vnd heten micheln schal vmb
 173,13 daz heilige grap . do des zit wart daz
 173,14 vnser herre erstvnde . do wrden di wahtere
 173,15 alle en vmmaht vn- sahen sin
 173,16 magenchraft . di si mit ir nide niht
 173,17 mohten erwenden . In dem selben garten
 173,18 da inne was gemachet daz vil heilige
 173,19 grab . der gart was hohe vmbemowert .
- 174,1 fvr daz tvrlin da si hin in waren
 174,2 gegangen was geworfen ein michel
 174,3 stein . als grozer daz si an angest
 174,4 warn daz iemen nah im dar in mohte
 174,5 chomen . do di dri frowen sahen den
 174,6 vnmaeslichen stein . do wart ir trvren
 174,7 groz . vn- sprachen z einander . “Quis reuoluet
 174,8 nobis lapidem ab hostio monumenti?”
 174,9 “Wer wirft vns disen stein von dem
 174,10 tvrlin . wir en mvgen niht volchomen
 174,11 als wir gedaht heten .” do si ein
 174,12 wile vmb gesahen . dv was der selbe
 174,13 stein hin dan geworfen . vn- sahen si
 174,14 dar vf sitzen ein engel von himile . vn-
 174,15 sprach . “Nolite timere vos .” “Ir frowen
 174,16 ir ne schvlt iv niht fvrhten . ir sit hvosgenoessinne
 174,17 alles himelischen heres .
 174,18 ir habt gwissez teil mit allen gotes
 174,19 heiligen . alle di irdischiv dinch ahtent
- 175,1 di mvgen wol sorgen . ir svlt mit frewden
 175,2 hivt sehen iwer nahgebvren di engel .”
 175,3 als si dar in giengen do was vnser
 175,4 herre erstanden . vn- saz ein engel ze dem
 175,5 hovpt . der ander ze den fvozen . di warn
 175,6 lieht vn- schone . vn- wiz sam der sne . daz
 175,7 bezeichent di wnnechlichen hohcit
 175,8 di wir nu begen . div salbe vnd daz wiroch
 175,9 daz di frowen in ir hant trvgen
 175,10 daz bedvte di manigen tvgende da div

- 175,11 sele mit sol gereinet sin . di gvt wise
 175,12 habent in dirre werlt di werdent
 175,13 gnossam den reinen frowen von den
 175,14 wir nv gesprochen haben . der engel
 175,15 sprach ze sant Marien magdalenen . daz si pot
 175,16 were ze sant peter daz er iht zwivelt
 175,17 wand er dvrch sines libes forhte het
 175,18 verlovgent sines herren . do div boteschaft
 175,19 wart erworven vn- sant pet'
- 176,1 vernam vnsers herren bermde . dv chom
 176,2 er vn- sant Johannes euangelista vn- liefen enstrit
 176,3 ze vnsers herren grabe . Sant pet' chom
 176,4 ze ivngiste . sant Johannes e vnd gestvnt .
 176,5 der ze ivngist chom der gie in daz grap
 176,6 vn- vant di dweheln da vnsers herren
 176,7 sweiz an was . do viel der iunger ovch
 176,8 in daz grap . daz bezeichent daz wir
 176,9 z em ersten mit gvten werchen vnde
 176,10 mit gvtem gelovben suln ersten mit
 176,11 dem heiligen christe . vn- daz er also
 176,12 barmherzich ist daz er z em iungisten
 176,13 di iuden wil bechern . vn- wil si lazen
 176,14 chomen ze siner chantvnse . der barmherzich
 176,15 got der rvch sin schare mit
 176,16 vns svntaern ze meren in disen osterlichen
 176,17 tagen . aM- . Phylippi et Jacobi .
 176,18 Stabunt iusti in magna constantia
 176,19 aduersus eos . qui se angustiauerunt et qui abstulerunt labores eroum .
- 177,1 Wir haben oft wol vernomen von der
 177,2 heiligen schrift . wi manich marter
 177,3 vnser vordern mvosen liden in dirre
 177,4 werlt . di an dem reht wolten fvnden
 177,5 werden . also dise lieben herren habent
 177,6 getan der tvlt wir hivt begen . di liden
 177,7 michel angest vnd not dvrch vnsers
 177,8 herren hvlde . vn- ander vil manige
 177,9 di mit dem fivre des heiligen geistes
 177,10 warn enzvndet .
- 285,10 dar inne was ein chvniginne
 285,11 Lupa div was also geheizzen . daz
 285,12 chvt ein wlpinne . div was ein vil
 285,13 vbel wip vnd grimmich als ein
 285,14 wlpinne . div het e ofte verwid't
 285,15 di svzen lere sant Iacobes vn- treip
 285,16 in vz ir lande . do er toter chom do

- 285,17 hiez si dar vf setzen mere denne
285,18 sehzech ohsen . di ne mohten in alle
285,19 niht erwegen . do wart div selbe
- 286,1 frowe wol inne daz daz zeichen chom
286,2 von gotlichem gwalte . vnd wart si
286,3 bechert . div was als ein wolf . vnde
286,4 wart senft als ein lamp . vnd hat
286,5 sant Iacob seit michel ere da gwnnen .
286,6 do er wilen was bi libe . do chom
286,7 in daz lant ein zovbraere der hiez ermogenes .
286,8 vn- het ein ivnger d' hiez
286,9 philetus . den sant sin meister dem
286,10 gvten sant Iacoben . vnd hiez in
286,11 striten daz sant Marien svn niht
286,12 waere der ware gotessvn . den vb'want
286,13 als reht was der trvt vnsers
286,14 herren sant Iacobus mit bewartem
286,15 vrchvnde . mit dem gezivge der heiligen
286,16 engel . vnd swas der zovbraere
286,17 mit des tievels liste ie begie . daz
286,18 widertet sant Iacob mit d' goteschraft
286,19 als verre vnd als wol . gegen
- 287,1 meister vn- ivngern . vnd brant alle
287,2 di trvgenheit di von des tievels gespenst
287,3 bi in fvnden wart . vnd gewan
287,4 in beiden gotes hvlde . wand er ist
287,5 ein nothelfaere aller der heiligen
287,6 christenheit . des svln wir hivt vil
287,7 wol getrowen vnserm herren got
287,8 daz er vns sines trvtes an allen vnsern
287,9 sachen wol vnd vaeterlichen
287,10 laze geniezen . daz er vns bechere .
287,11 vnd vns setze vf di grvntfeste
287,12 siner baermde . daz wir den tievel
287,13 von vns vertriben vnd alle sin gespenste .
287,14 am- . De sancto Laurentio .
287,15 IGne me examinasti et non est inventa
287,16 in me iniquitas . di taeglichen svnde
287,17 di manichvalten missetat di
287,18 wir z allen ziten begen . di svln
287,19 wir leschen vnd vertiligen mit
- 288,1 der heiligen hilfe der tvlt wir in dem
288,2 iare begen . als wir hivt birn geladet
288,3 ze der vrevde di allez himelischez her
288,4 hat . vn- sant Laurentius sele . div mit fivre

288,5 also wol gelvtert wart daz dehein
288,6 meil . noch wandelvnge an ir fvnden
288,7 wart . noh dehein dinch da an d' sele
288,8 der svndaere mit gewaschen sint .
288,9 er was ein ivnchherre da tze rome .
288,10 vnd was ivnger eines pabes der
288,11 heist sant xixtus ein goteschneht
288,12 getriwer vnd gwaerre z allem sinem
288,13 rehte . der zoh disen ivngelinch des
288,14 tvlt wir hivt begen . vn- trost vnd
288,15 vrevde gegen haben svln . an sinem
288,16 meister sah sant Laurentius / niht wandelbaers /
288,17 aller siner heilicheit der
288,18 volgt er nah . er was gewiht ze
288,19 dem Evangelium . der selbe pabes wart

289,1 gefangen von einem heidenischem
289,2 cheiser da ze rome der hiez decius .
289,3 vnd nam in in sin aehte . vnd alle die
289,4 di christenlichen namen heten . di
289,5 im wrden gervget . do man ze der
289,6 marter fvrte sant Sixten vnd der
289,7 cheiser gebot daz man in hovpte .
289,8 do chom der lieb ivnger der vns hivt
289,9 helfen sol der gvt sant Laurentius . der
289,10 sprach ze sinem meister . "Vat' herre
289,11 war ist dir so gah . wi laeist dv vnd'wegen
289,12 din ivnger . wil dv varn ze
289,13 gnaden . vnd mich in dem ellende
289,14 lazen . daz ich mit dir niht werde
289,15 gemartert . was tvs tv lieber herre .
289,16 missevellet dir iht an mir daz ich
289,17 vnwert si der himelischen chrone .
289,18 dv gervhtest min da tz fronaltaer .
289,19 war vmbe verlaes tv mich nv in disem

290,1 angestlichem leben ." do antwrt im d'
290,2 heilig pabst alsvs . "Liebes chint ih ne
290,3 laz dich niht . dv wirst niht gesvndert
290,4 von dem himelischen troste . vber dri
290,5 tage vers tv nah mir . mit dem sige
290,6 grozer marter . Mer angest mvst v
290,7 liden danne ich / din lon wirt ovch
290,8 ewich vor got" Div svze wechselrede
290,9 was vnder in beiden als wir gesprochen
290,10 haben . wa sint nv als gvte
290,11 lvte . wir birn in niht gelich . da von
290,12 ist vnser lon chleine . Saehen wir

290,13 vnsern ebenchrist ziehen ze der
290,14 marter . wir flvhen vnd bvrge
290,15 vns swa wir mohten . vnd dehein
290,16 marter liden . Sant Laurentius gie an
290,17 forht ze dem fivre da er inne wart
290,18 gerostet . Im het sin meister sein
290,19 chamerschatz bevolhen . daz er in

291,1 gaebe witwen vnd weisen dvrh got .
291,2 Do daz vernam der vngetriwe heiden
291,3 do hiez er sant LauRentius . vaken .
291,4 vnd gebot im der cheiser bi sinem
291,5 leben daz er im gaebe sines meisters
291,6 schatz nahen vnd verren . do gert
291,7 der gotestrvt vrist vber dri tage .
291,8 er wolt im danne zaigen wa der
291,9 schatz waere . div frist wart im
291,10 gelobt . Sa bi den stvnden gie er
291,11 allenthalben swa er christen weste
291,12 di verborgen warn . in dem berge .
291,13 in dem tal . in dem walde dvrh der
291,14 heiden vorhte . vnd twch in di fvze
291,15 vnd gab in gwant vn- pfenninge .
291,16 dar nah vnd als ir iegelichem dvrft
291,17 was . vnd bevalh sich in ir gebet
291,18 vnd in ir gnade . dar nah hiez er
291,19 sammen witwen vnd weisen

292,1 chrvmb vn- plinten di almvsen wolten
292,2 vnd gab in mit milter hant .
292,3 dvrch sines meisters sele . vn- dvrch
292,4 di gotesminne . als iz allez was gespendet
292,5 vn- witwen geteilt . vber
292,6 di dri tage als sin meister gesprochen
292,7 het . do giench sant LauRentius .
292,8 fvr den cheiser sten . mit starchem
292,9 mvte . der schatz wart an in gevordert .
292,10 vnd sprach er ze dem cheiser .
292,11 “daz gvt daz dv vorderst daz wil ich
292,12 dir zeigen . iz ist witwen geteilt .
292,13 ich han iz gespentet in der armen
292,14 lvte hant . in den bvsem witwen
292,15 vnd weisen . daz der rein schatz der
292,16 wol gwnnen was in di himelischen
292,17 chamer wrde braht vn- behalten .
292,18 wil dv in wider gwinnen . so mvst v
292,19 gahen e di armen ir not da mit

- 293,1 byzzen .” disiv wort warn vnwert
 293,2 dem cheiser . vnd hiez in werfen in den
 293,3 charchaere . dar inne was ein blinter
 293,4 man der hiez lucillus . den bechert
 293,5 sant LauRentius . vnd tovfte n . vn- erwarf
 293,6 im vmb got daz er wart gesehent
 293,7 schon vnd wol . Bi der naht do di
 293,8 lvte zegiengen . do wart der chvnich
 293,9 des nein daz ein rost wart gemahnt
 293,10 von isninen ringen . vnd wart dar vf
 293,11 geworfen der heilige lihnem sant
 293,12 Laurentius . vn- wart mit fivre geholt
 293,13 vn- gemartert . vnd was idoch an im
 293,14 dehein meil . noh svntlichiv dinch .
 293,15 der cheiser decius der chom dar do
 293,16 sin marter vil groz was vnd wart
 293,17 mit im redehaft / vnd wolt in erwendet
 293,18 haben sines glovben . mit
 293,19 schantlichen Worten hiez er in fvrd’
- 294,1 gen . vnd gantwrt sin vil reiniv sele
 294,2 dem heiligen christe . Nv manen wir
 294,3 in hivt daz wir des ewigen fivres
 294,4 vberich werden vnd aller note ze libe
 294,5 vnd ze sele . am- . De omnibus sanctis .
 294,6 Timent dominum omnes sancti eius . quoniam nichil
 294,7 deest timentibus eum . Ecce oculi domini super iustos et cetera .
 294,8 Hivt ist ein gehvgde aller gotes
 294,9 heiligen . ein manvng alles himelischen
 294,10 heres . an in stet vnser heil .
 294,11 vnser genist . vnser ordenvnge . vns’
 294,12 zvvrsiht . vnser trost . vnd alliv vns’
 294,13 ere ze libe vnd ze sele . Got hat si
 294,14 gesammet in sin wirtschafft . fvr
 294,15 sin antlvze . im selben ze wnnen .
 294,16 vnd vns ze helfe . So wir missegengich
 294,17 werden vnd mit vnsern svnden
 294,18 erweccchen sin zorn . daz si svnen vns’
 294,19 vnreht . vnd im benemen di wirdigen
- 295,1 rache di wir taeglichen dinen .
 295,2 Nu svln wir bitten vnd vlegen ir
 295,3 groze heilcheit di geselleschaft vnzallicher
 295,4 herren di vor got sint . di
 295,5 hvsgenozz himelischer frevden . daz
 295,6 si vns niht geswichen . daz si vns bri-gen
 295,7 an vnser erbe . daz vns got vf
 295,8 getan hat mit sin fivnf wnden .

295,9 div schrift spriht . “Timete dominum .”
 295,10 alle die hvt heilich sint oder heilig
 295,11 wellen werden di fvrhten vnsern
 295,12 herren . vnd erchennen sin magenchraft .
 295,13 wanne si daz tvn schvlen .
 295,14 was in dar vmbe geheizen sei . daz
 295,15 mvgen wir gern vernemen . Quoniam
 295,16 nichil deest timentibus eum . Wan in allen vngebrosten
 295,17 ist di got meint . fvrhtent .
 295,18 minnent . vn- in vor ovgen habent .
 295,19 allen sinen vrivnden mach niht gebresten

296,1 an libe vnd an sele ze dirre
 296,2 werlt vnd ze dem ewigen libe . Div
 296,3 ovgen des heiligen christes sint z allen
 296,4 ziten offen sinen vndertan . vnd sin
 296,5 oren sint gechert an ir gebet . daz er
 296,6 si vaterlichen horen wil swes si mvten
 296,7 vber sich selben . vn- an allen den di im
 296,8 getrowent . Vber als iar chvmt vns
 296,9 hohzit gnvge di wir vnrhlichen
 296,10 begen . daz schvln wir hvt svnen .
 296,11 an der tvlt aller gotes heiligen . div
 296,12 ist dar vmb gesetzt . daz si an vns zeigen
 296,13 wie wirdichlichen si got gewer
 296,14 an vns siner tvsentvaltichlich’
 296,15 bermde . vnd wares antlazes . Nv grifen
 296,16 z allererst an den svn sant Marien
 296,17 der ist ein heilig aller heiligen . ein
 296,18 grvntfest aller glovbigen sele . vn-
 296,19 biten in heilant daz er vns laze geniezzen

297,1 aller siner heiligen vn- manen
 297,2 di heiligen maget div in gebar
 297,3 vns ze trost vn- al der christenheit
 297,4 daz si dvrrh ir milte hivte svche ein
 297,5 venie an sin fvze . der si erchos vz
 297,6 aller dirre werlt im z einer mvter .
 297,7 daz si vnbewolleniv . an meil . an
 297,8 svnde . ein sal waere des heiligen
 297,9 geistes . daz er an vns bedenche dvrrh
 297,10 ir willen alle vnser not . vnd vnser
 297,11 brode . vnd vns vrist verlihe vnser
 297,12 vnreht ze bvzen . Wir svln ovch gesprechen
 297,13 sant Michahelem vn- alle
 297,14 gotesengel mit reinem gebete .
 297,15 daz si rvchen ze sin vns’ chempfen
 297,16 wider den laidigen valant vnde

- 297,17 alle sin gehelfen . wand nie dehein
 297,18 eigen' chneht sinen geborn herren
 297,19 so sere gevorht . so der tievel sant
- 298,1 Micheln . Biten wir di heiligen patriarchas
 298,2 vnd alle gotes wissagen . daz
 298,3 si vnser niht vergezzen . da si hivt
 298,4 bovwent in der innern chamer der gotlichen
 298,5 tovgen . daz ist Ieremias . ysaias .
 298,6 ysaac . Iacob . sanctus Iohannes d' tovrer .
 298,7 vnd ander ir genozze . di warn ein
 298,8 anegenge vnsers heiles . vn- habent
 298,9 vns gewiset vnd gelert . wie wir
 298,10 svln meinen got der alle dise werlt
 298,11 geschaffen hat . div nahstiv ordenvnge
 298,12 daz sint di zwelfpoten di heimlichen
 298,13 frivnt des heiligen christes .
 298,14 di warn z allen ziten im gehorsam .
 298,15 si leisten sin gebot . si sahen siniv
 298,16 zaichen . si azzen vn- trvnchen vor
 298,17 im . si schriben siniv wnder . vnd
 298,18 liten manig angest dvrch sin hvlde .
 298,19 di sint fvrsten in dem himile . gewaltich
- 299,1 vf der erde . di ne svment
 299,2 dehein svndaere . der an got gelovbt /
 299,3 vnd in getrowet / Nv svln wir hivt
 299,4 weinen vf ir fvze . daz si vns dar wisen
 299,5 da wir nimm' trvren gewinnen .
 299,6 noh dehein leit . noh vngemach . noh
 299,7 niht horen wan ewigiv vrewde .
 299,8 Nv svchen aver fvrbaz helf vn- trost
 299,9 an den heren marteraeren . Sant . Laurentius .
 299,10 an sant Georien vn- and' ir gnozzen .
 299,11 di warn dvrnahte vnd heten vesten
 299,12 mvt . si warn gewrzt in den triwen
 299,13 vnd in der warheit . in der minne
 299,14 di got wol erchante . di gaben disen
 299,15 lip vmb den ewigen . Nv ist ir antlvz
 299,16 in dem himele schoner vnd liechter
 299,17 danne div heiter svnne in dirre werlt .
 299,18 di mvgen vns wol gnade erzeigen
 299,19 vnd antlaz bringen . des svln wir si
- 300,1 manen von innechlichem herzen . alle
 300,2 reine magde di mit sant Marien sint
 300,3 di svln wir hivt manen vmb vns' heil .
 300,4 sant Margareten . Sant . Lucia- . Sant . Iuliana- .

300,5 vn- alle ir gnozzinne . vnd flegen di
 300,6 heiligen bihtigaere . Sant . Martinu- . Nikolaum
 300,7 vnd ander rein bischolffe . alle
 300,8 gvte mvniche einsidel chlosenaere .
 300,9 di hinnen sint gescheiden mit heiligem
 300,10 vrchvnde . vnd vor gotes ovgen
 300,11 schinent . daz wir ir hohzit an vns wol
 300,12 begen . daz wir ir helfe inne werden
 300,13 an libe vnd an der sele . daz alle di heiligen
 300,14 di sant Iohannes da tz himel
 300,15 sach mit lemtigen vrchvnde vnser
 300,16 heil meren . vn- vnser svnde geminnern
 300,17 hin tz got . amen . De Apostolis .
 300,18 Pro patribus tuis nati sunt tibi filii .
 300,19 constitues eos principes super omnem terram . Wir svln ein

301,1 hohe rede besten . ein wislichiv zale
 301,2 von dem ivngistem tage so got chvmt
 301,3 in siner magenchrefte z erteiln alle
 301,4 dise werlt nah ir werchen . di danne
 301,5 fvrsten sint vnd vrteil svln vinden
 301,6 di svln wir hie wol erchennen mit
 301,7 reinem dienste / daz si vns vinden gnaedichlichiv
 301,8 vrteil . So sint vnser oren
 301,9 vil wite was si sprechen . weder si
 301,10 scherf oder linde sin . Nv horent ovch
 301,11 si gern wi wir si meinen . ob wir si
 301,12 minnen vnd eren . svomen wir vns hie
 301,13 so sprechent si an dem ivngistem tage
 301,14 “was ist iwer arbeit . was welt
 301,15 ir nv werven ir chomt al ze spate .
 301,16 Ir lebet nah iwer willen vnser lere
 301,17 was iv vnmaere . ir wolt niht dwingen
 301,18 di brode iwers libes . ir azt vnd
 301,19 trvncht vber maze . so ir vil vnrehtes

302,1 tate daz was iwer rvm . wa ist nv elliv
 302,2 iwer gire . war ist nv iwer straze . ” “In ignem
 302,3 eternum” so sprechent di heiligen zwelfpoten
 302,4 ze den svnteraen di vmbechert scheident
 302,5 von dirre werlt . So spriht danne
 302,6 vnser herre . der lat sehen di fivnf
 302,7 wnten . “vart in daz ewige fivr daz beraitt
 302,8 ist dem tievel vnd sinen engeln .
 302,9 vnd allen sinen volgaeren . iwer leben
 302,10 was vngenaeme . iwer vnzvht benam
 302,11 iv di vorhte des ewigen todes . ir wolt
 302,12 niht leschen minen dvrst . vnd zelt

302,13 siben werch der baermde . nv vart von
302,14 minem antlvze . div helle stat iv offen .”
302,15 O wi welich leit div arm sel danne
302,16 gewinnet . daz erwende an vns div
302,17 gotliche baermde . di heren zwelfpoten .
302,18 di gwaltigen fvrsten der tvlt
302,19 wir hivt begen . vn- horen wie von in

303,1 geschriben ist . Pro patribus tuis nati sunt tibi filii .
303,2 der svn sant Marien der mvse wol chlagen
303,3 in siner mennischeit vnser altvordern .
303,4 di wilen warn in der alten e
303,5 abraham . ysaac . Iacoben di heiligen
303,6 herren dvrch daz si dvrnahtich warn
303,7 vnd dehein valsch in ir mvnde fvnden
303,8 wirt . der was hie vor vil di die gotesgvte
303,9 wol erchanten . vn- reichlichen
303,10 lebeten . also do chom der heilig christ
303,11 in dise werlt . Putas . inueniat fidem
303,12 super terram . waenet ir daz er do fvnde
303,13 triwe vnd warheit vf der erde .
303,14 leider des ne was niht . et sui eum non
303,15 receperunt . di sin aigen warn sin hantgetat
303,16 sin gemahelschatz . di ne wolt
303,17 in niht erchennen . di wolten in steinn .
303,18 vnd wrden an sinem tode schvldich .
303,19 Do maht er wol chlagen sin alte

304,1 frivnt sin patriarchas . sin wissagen vnd
304,2 ander ir gnozze . so trost in der himelische
304,3 vater von dem stvle siner magenchrefte
304,4 vn- sprach . “pro patribus tuis nati sunt tibi filii”
304,5 “Gehab dich vil wol vil liebes chint . dv
304,6 waere in dem bvsem miner gotheit .
304,7 dannen chom in di wamben der reinen
304,8 magde . dannen in daz ellende werltlicher
304,9 wesvnge . da lide di marter
304,10 dvrch minen willen . vnd dvrch die
304,11 dvfft aller svntaere . Gewin vns liebes
304,12 chint ein niwes folch . ein getriwe
304,13 diet . als di warn di dv chlagest abraham
304,14 vn- sin gnoz . Ich han geschaffet
304,15 daz ein gvt ende wirt” spriht d’ gweltig
304,16 vater ze sinem chinde . “daz ein
304,17 niwiv gebvrt dir ze helfe chvmt .
304,18 div dich wol ergetzet der alten vorderen .
304,19 Die vatere warn heilich . dise

305,1 michel heiliger . ich mach si also schon
 305,2 vn- als wirdich . daz ir ere michel vnd
 305,3 breit wirt . vnd gib dir den gwalt
 305,4 heiliger christ . daz ir gwalt nimmer
 305,5 zerge . Constitues eos principes super omnem terram
 305,6 Gebivt selbe vnd schaffe daz si fvrsten
 305,7 sin vber alle dise werlt . vber alle die
 305,8 dar inne bowent .” Nv svln wir vernemen
 305,9 wi her vnd wi tief div grvntveste
 305,10 si des gotlichen vrchvndes . der
 305,11 in solher eren gezivch ist . vn- vrchvnde
 305,12 gegeben hat . der erchennet elliv
 305,13 herze . der weiz wol daz si wirdich
 305,14 sint svsetaner worte . dvrch di grozen
 305,15 tvgende di si begiengen in dirre
 305,16 werlt . Si waren kvsch vnd reine .
 305,17 milt vnd gedvltich . ir gedanch waren
 305,18 lobelich . ir werch warn heilich .
 305,19 da si vmb wrven daz habent si fvnden .

306,1 si sahen mit ir ovgen di manigen
 306,2 zeichen di got begie in dirre werlte .
 306,3 ir glovb was so veste daz in gwalt gegeben
 306,4 wart daz si di siechen chvnden
 306,5 heilen vnd ofniv zeichen begiengen
 306,6 an den svntaern . vnd ir wort niht wart
 306,7 verwandelt . ir gebet was wcherhaft /
 306,8 ir triwe schein als daz golt .
 306,9 ir minne schein als div edel gimme .
 306,10 Pro patribus tuis et cetera Ir vaetere sagten daz
 306,11 got chvnftich waere in dise werlt .
 306,12 vn- mit siner gebvrte alle gelovbig
 306,13 sele erlediget wrten . disiv saeligiv
 306,14 chint habent alle ir afterchvnft
 306,15 wol geert . vnd taten mere vnd baz
 306,16 danne ir alten vordern ie getaten .
 306,17 Si warn an zwivel . an wanchelheit .
 306,18 vnd zeigten in ir vil lieben herren
 306,19 der n wilten was geheizen daz der

307,1 chomen waere . vnd giengen parfvz .
 307,2 in maehlicher wate . vnd ladeten
 307,3 vnd schvnten alle di entslafen warn
 307,4 in dem tode . vnd in der vinster sazen
 307,5 daz si sich becherten . vnd daz lieht
 307,6 erchanten daz vf ensprvngen was
 307,7 von der magetlichem blvmen . Nv
 307,8 eren wir hivt ir hohzit . ir tach . vnd

307,9 ir tvlt an vns selben . bevelhen in
307,10 lip vnd sele in ir gnade . daz si vns
307,11 im gantvrten des poten si sin geheizen
307,12 der mit in geteilt hat di
307,13 himelischen wne . daz wir si noch
307,14 da sehen mvzen . da der heilig christ
307,15 sitzet ze der zeswen sines vater Amen .
307,16 De martyribus Preciosa est in conspectu
307,17 domini mors sanctorum eius Daz wir singen
307,18 vber als iar . daz sol in vnserm
307,19 mvte sin verborgen . vnd svln iz

308,1 wol behalten . Vnter andern wissagen
308,2 gotlicher lere vinden wir disiv wort
308,3 div schone ervollet sint mit rehter
308,4 bedvtvnge . Wi spriht David der wise
308,5 chvnich . Preciosa et cetera . Daz spriht der
308,6 tot vnsers herren heiligen der ist vil
308,7 edel vnd vil tivre vor gotes ovgen .
308,8 Ir tot di dvrrch got gemartert wrden
308,9 der ist billichen im liep vn- gneme .
308,10 vn- vil edel vor sinen ovgen . wand
308,11 vil tivre was vnd ist daz lon daz vmb
308,12 si gegeben wart . daz was daz plvt
308,13 gotlicher bermde . elliv disiv werlt
308,14 moht niht widerwegen sines libes
308,15 chovf . der alle dise werlt hat geschaffen .
308,16 dar vmb wart er vleisch vnd
308,17 bein . daz . an dem brief siner erlosvnge
308,18 blvt wrt geschriben . Vil
308,19 liep was im sin eigen plvt . michel

309,1 lieber alle di er da mit erlost . daz
309,2 warn di armen svntaere . wi tivre
309,3 mohten si gahtet werden . daz got
309,4 dvrrch si starp . nv horen wi sant paulus
309,5 spriht . “Cum essemus impii christus passus
309,6 est pro nobis .” “Wir erchennen dar an vnsers
309,7 herren tief minne . do wir vbel
309,8 vnd vngelovbich warn vnd ofn svntaere .
309,9 do leit got dvrrch vns plvtigen
309,10 sweiz . vnd di pitern marter . vn- maht
309,11 vns edel sin tivrer chovf . wan an sin
309,12 helfe birn wir ein stovp vn- ein mist .
309,13 vnd ein vil ringer valwisch . wellen
309,14 wir lange svntaere sin so ne birn
309,15 wir nihtes wert . Der vns hat gechovffet
309,16 der svht bezzervnge . im waere

- 309,17 leit solt in sin chovf riwen . er chovfte
 309,18 svntaere vnd wil dar an gewinnen
 309,19 heilig livt .” Gedenchen wi vngenae

 310,1 wir warn vor gotes gebvrte . do vns
 310,2 vor versperret was daz himelriche .
 310,3 vnd wi lvter wir nv birn Worten ob
 310,4 wir selbe wellen . Preciosa in conspectu domini mors sanctorum eius
 310,5 Di im nv wol danchent vnd dvrch sin
 310,6 minne lident mv vnd arbeit . di sint
 310,7 im als wert vnd als liep sam daz lieht
 310,8 in sin selbes oygen . als diser marteraer
 310,9 hat getan des tvlt wir hivt
 310,10 begen . der het niht so liebes so sin
 310,11 eigen lip . den gab er vmb di hvlde
 310,12 vnsers herren . Preciosa in conspectu domini mors sanctorum eius
 310,13 Daud spriht niht wi edel ir eigen
 310,14 was . wi tvre ir bvrge vnd lehen
 310,15 was . er spriht “ir tot den si liden in
 310,16 siner minne . der ist in hohe gahtet
 310,17 vor got . div flvst aller dinge div ist
 310,18 niht wider di wandelvng des
 310,19 libes .” vn- spriht doch vnser herre .

 311,1 “Omnis qui reliquerit domum uel agrum
 311,2 propter nomen meum centuplum accipiet .” vnser herre .
 311,3 spriht wer dvrch in verlaze vnd
 311,4 sich verzeihe in sinem namen eigens
 311,5 vn- lehens . frivnt vnd ander siner
 311,6 habe dem welle er geben zehenzichvaltgez
 311,7 lon . vn- vil michel ere . preciosa
 311,8 in conspectu domini et beati mortui qui in domino moriuntur .
 311,9 Da vnser herre so gvt lon git vmb
 311,10 irdischen rihtvm . nv mvgen wir
 311,11 wol wizen daz diser gotestrvt
 311,12 groze marter hat enphangen . der
 311,13 elliv siniv lider . hovpt . herz . fvze
 311,14 vn- hende mit gantzen triwen opf’t
 311,15 vnserm herren . Der tot was als willechomen
 311,16 dem almahtigen got . vn-
 311,17 wart als chvnt in den himelischen
 311,18 choren vor allen gotes heiligen . daz
 311,19 sin sele immer frevde hat an ende .

 312,1 vnd sin hinvart als tivre ist vnd als
 312,2 wol gelobt . daz wir sin wol mvgen
 312,3 geniezzen . Daz ist der gvt sant . N .
 312,4 der getriwe nothelfaere . ein sevvvel

312,5 aller svntaere . ein vestiv mvre vn- ein
 312,6 starcher swibogen christenlicher
 312,7 ordenvnge . der chempf all' warheit
 312,8 ein insigel reiner minne . ein spiegel
 312,9 reiner werche . ein trost in den sorgen
 312,10 allen den di got mit lvterm herzen
 312,11 erchennent . wir svln mit siner
 312,12 helfe hvt leschen di alten svnte .
 312,13 vnd allez vnreht lazen . vn- danchen
 312,14 im der vns hat geschaffen daz er
 312,15 vmb sin veint leit dem grimmigen
 312,16 tot . nv aver wir sin vrvnt
 312,17 wellen sin daz er vns genade . Lazen
 312,18 vns niht betragen wir n liden arbeit
 312,19 dvrch sinen willen wand er

313,1 vor gevarn ist mit gotlichen triwen .
 313,2 vnd mere gnaden hat er an vns begangen .
 313,3 denne dehein zvnge mvge
 313,4 fvr bringen . Nv svln wir als dvrnahtich
 313,5 sin vn- als staete daz elliv freise
 313,6 vnd elliv angest vnd sorge vnhohe
 313,7 heve wider sin hvlde . den rat vnd di
 313,8 schvntvnge des laidigen valandes
 313,9 zervcke werfen . Wellen vns vnser
 313,10 werltlich frivnt erwenden der gehorsam
 313,11 di wir got svln leisten ab
 313,12 vnser sele . scheiden von in . miden
 313,13 ir hvs . ir ezzen vnd ir trinchen lazen
 313,14 vns froemde sin . sit tibi sicut ethnicus
 313,15 et publicanus niht hoher svln si vns
 313,16 sin in vnserm herzen . denne di heiden
 313,17 di niht gelovbent . vnd got
 313,18 weder triwe noh dienst chvnnen
 313,19 gelaeisten . Sant Paulus der spriht

314,1 "Certus sum quod nulla creatura separabit nos
 314,2 a caritate christi" er chvt "ich bin gwis an
 314,3 mir selbem . vnd wil och glovben an allen
 314,4 christen daz dehein vraise div hvt
 314,5 ist od' imm' werden mach oder iemen
 314,6 mach erdenchen . von der minne vns's
 314,7 herren vns mach gescheiden ." daz hat
 314,8 wol bewaert der here marteraere
 314,9 des tvlt wir hvt begen . den svln
 314,10 wir flegen vnd bitten des er vns
 314,11 siner marter laze geniezen . vnde
 314,12 vnser bot si ze dem almaehtigen got

314,13 daz er vns nah disem leben daz ewige
 314,14 leben mit taile . Amen De Virginibus
 314,15 Avdi filia et uide rt inclina aurem tuam quia
 314,16 concupiuit rex speciem tuam Hivt ist tvlt vnd
 314,17 hohzit einer heiligen frowen . einer
 314,18 vil reinen magde . div ist ein trvtinn
 314,19 des almachtigen gotes . ein insigel

315,1 der chvsche . ein manvnge d' warheit .
 315,2 ein brief vnd ein hantfest der himelischen
 315,3 gnaden . div ist lieht sam div
 315,4 svnne . schon sam der man . berhtel
 315,5 sam di sterne . liht in der vinsten .
 315,6 Div porte div vor allen svnden vor
 315,7 aller vnchvsch was besperret daz ist
 315,8 div here meit min frowe sant . Maria .
 315,9 der tvlt wir hivt begen div chvniginne
 315,10 ist vnd geweltigiv hvsfrowe
 315,11 in manigem hvse christenlich' eren
 315,12 in vil maniger chirchen div in ir
 315,13 namen ist gewiht . da ir manich svntaere
 315,14 wol getrowet . da manich zaher
 315,15 wirt gegozzen an ir fvzze .
 315,16 vnd vil mit ir wirt gervnet in svzer
 315,17 stille also si vil wol wert ist
 315,18 hie in diser werlt vnd in d' himelischen
 315,19 Jerusalem wand niemen von ir

316,1 schvlden wirt versvmet . di armen versmahent
 316,2 ir hivt niht . den richen ist si
 316,3 bereit vn- hilfet in ze besservnge . den
 316,4 meintaeten hilft si ze hvlden . Si ist
 316,5 ein miltiv vogtinne wider di swartzen
 316,6 schar / vnd di grvlichen menige
 316,7 des ginten tievels . vn- aller sin' achvst .
 316,8 Nv horen wi schon von ir geschriben
 316,9 ist . wi tiefiv wort gesprochen sint .
 316,10 Vnser herre got dem elliv herze
 316,11 vnd sinne offen sint . vnd niht von
 316,12 im verborgen ist . der spriht ze siner
 316,13 meide ze diser lieben frowen d' tvlt
 316,14 hivt ist . "Audi filia et uide ." "Liebiv
 316,15 tohter" spriht vnser herre "hore miniv
 316,16 wort . vn- neige din oren her ze
 316,17 mir . daz dv mvgest vernemen di
 316,18 sprache miner tovgen . vnd ovch di
 316,19 starchen minne di ich hin tz dir han .

- 317,1 Wi verre ich dich vz scheide von irdischer
 317,2 wesvnge vnd was ich dir
 317,3 geheize vn- ovch leisten wil . Audi” Nv
 317,4 spriht vnser herre aver ze sin’ brvte .
 317,5 “hore den der dich im selben hat erwelt .
 317,6 der dich wirdich weiz siner
 317,7 gnaden sines riches . Audi Laz elliv
 317,8 dinch vnterwegen libiv tochter .
 317,9 welle iemen mit dir sprachen von
 317,10 bosen dingen . von der valscheit dirr
 317,11 werlte . von mennischlicher brode .
 317,12 den heiz dv fvrder gen . dem solt v
 317,13 niht volgen . der wil dich verraten .
 317,14 vnd an wafen versniden . Audi . vernim
 317,15 mir aleinem . ich bin chvnich
 317,16 des himels vnd fvrste der erden .
 317,17 wages vnd lvftes . vnd ein vater
 317,18 allez rehtes . ich bin an vbermvte .
 317,19 ih ne gan dines libes vn- diner sele
- 318,1 iemen wan mir einem . Dv bist min
 318,2 tochter vnd min brvt .” spriht got selbe
 318,3 ze der frowen sant . N . “neige din
 318,4 ore mir . vn- vernim was ich dir sage .
 318,5 wan iz chvmt dir ze grozem vollen
 318,6 Audi . Nv ich geweltich vnd gnaedich
 318,7 bin . nv maht v miniv wort minnen
 318,8 vnd meinen . ich n wil dich niht triegen .
 318,9 Trvtinne gaeb ich dir ein mvte
 318,10 goldes . di witen chamer volle schatzes .
 318,11 das n waere niht so tivre . so daz
 318,12 ich dir sagen wil . uide . dv sihest
 318,13 immer daz ewige licht . dv gesihst
 318,14 mere wnne vnd eren danne dir dehein
 318,15 zvnge mvge erzelen od’ sagen
 318,16 in dirre werlt .” Quia concupiuit rex speciem tuam
 318,17 Des mach disiv here frowe sant . N .
 318,18 der vntertan wir hivt vn- immer
 318,19 birn . div mohte des wol fro sin . daz
- 319,1 der chvnich aller chvnige ir gegert
 319,2 hat z einer brvte . daz si bi im waere .
 319,3 daz er ir antlvze mvse schowen . Daz
 319,4 wart da mit verdienet daz si in dirre
 319,5 werlt rein vnd chvsch was . an gallen
 319,6 vn- an nit . wise vnd schon in allem
 319,7 irm gemvte . Si spilt gegen der himelischen
 319,8 porte . wi si gwnne di gvldin

319,9 chrone div nimm' mach ervln
319,10 vor dem almaechtigen got . Do si begvnde
319,11 arbeiten vnd not ze haben dvrh
319,12 sin hvlde . do half ir got der lieb svn
319,13 sant Marien . daz si di chraft gwan .
319,14 vnd also wart geeret . daz si mit marter
319,15 begap disen lip . vnd den ewigen
319,16 lip gwan . Wi spriht div heilig schrift
319,17 von der svzen magde . di ir nah volgen
319,18 wellent . der reinen chameraerinne
319,19 miner frowen sant Marien .

320,1 der gnade vnd der bermde niemen
320,2 mach erzelen wi si sint gegrvzet vn-
320,3 gelobt daz svln wir vernemen . Exultent
320,4 filie syon in rege suo . Syon ist ein
320,5 wnnechlich' berch . da alle gelovbige
320,6 sele vf svln rvwen . di dar zv cherent
320,7 vnd chint dar sint . di heizent tohter
320,8 der waren minne . vnd svln ovgen
320,9 haben an allem irm libe . daz si alvmb
320,10 sehen wa ir viente her varn di si wellent
320,11 verraten . di swartzen tievel
320,12 daz si den wid'sten . di an der warte
320,13 wol habent gewaht . vnd dar an sint
320,14 fvnden . di mvgen wol vrevde haben .
320,15 vn- mvgen wol vro sin daz ir chvnich
320,16 als biderb ist des gewalt ie was vnd
320,17 imm' ist . der ist gesegent vn- lobesam
320,18 vf m himel vnd vf der erde in dem
320,19 apgrvnte . den mvgen si gern schown .